

Mihi Ras, non Me Rebus.



Bibliotheca
M. Hyacinthi Theodori Baron.
Antiqui Facultatis Medicinæ
Parisiensis Decani, nec non
Castrorum Regis et Exercituum
Proto medici.

Schubel Notelius
F

ITINERARIUM

PER NONNVLLAS

Gallia Belgica partes,

ABRAHAM I ORTELII ET

IOANNIS VIVIANI.

AD GERARDVM MERCATOREM,

COSMOGRAPHVM.



ANTVERPIÆ,

Ex officina Christophori Plantini.

clō. 1ō. LXXXIV.

THE R. A. R. I. V. A.

THE R. A. R. I. V. A.

THE R. A. R. I. V. A.

THE R. A. R. I. V. A.

THE R. A. R. I. V. A.

THE R. A. R. I. V. A.

THE R. A. R. I. V. A.



THE R. A. R. I. V. A.

THE R. A. R. I. V. A.

THE R. A. R. I. V. A.

ABRAHAMVS ORTELIVS,
ET IOANNES VIVIANVS

GERARDO MERCATORI S. P. D.



V M litteras tuas accepissemus, Mercator, sub ipsum tempus, quo hinc discedebamus, visum est, non prius ad eas rescribere, quam confecta tandem qualicunque ea, quam nos suscepisse iam intellexeras, peregrinatione: futuras enim tibi nostras lōgè gratiores si vnà attexeremus, si quid in ea obseruatione dignū occurrisset. non quod speraremus posse quidquam ex locis tā nobis vicinis annotari quod non omnibus esset notum: sed tamen cū partem eam Galliæ nostræ, tot passim omnium temporum historijs celebrem, à nobis verò non visam, certum esset peragrarè, & sine litteris esse non possemus, videbatur pōtius quidlibet commentari, quàm vt essemus toto eo itinere otiosi: tum quod hac ratione quæ semel vidimus, securius memoriæ mādentur; commentariola hæc nostra nobis ipsi vsui futura videbamus; tibi verò non iniucunda, qui cū eas regiones aliquādo diligēter perlustraueris, inuabit easdē quotiescūq. libuerit tecū domi atq. adeo sine itineris molestia recognoscere. Fuit autē nobis iter per fines Tungrorum, Eburonum, Treuirorum, Mediomatricorum, vt quondam vocabantur, & reliquorum eorum populorum, qui Germanicæ originis cū essent, in Gallia tamē sedes habebāt, atq. inter Belgas recēsebantur. Gallia siquidem hæc nostra, quæ mari Oceano, Sequana & Rheno fluminibus continetur, vt poli-

tioribus litteris primùm innotuit, à Belgis sub variis populorum nominibus tenebatur, & pars quidem eorum erat, qui indigenæ tunc putabantur; reliqui qui aliunde, & præcipuè è Germania, quales & illi de quibus iam diximus, transmissò Rheno eò confluerant. Hæc nomina, etiam cū Gallia omnis sub pop. Romani redacta esset imperio, maxima ex parte manserūt in ea gente, & nonnulla quoq. populorum cū fuissent, oppidis ipsis, quæ in iisdem regionibus quas incolebant illi, vel tunc erant, vel postea condita fuere; nonnulla denique illi ipsis regionibus postquam terrarum facta est distinctio exactior, attributa, ad hanc vsq. memoriam propagata, incolumia, vel certè non ita multum immutata, videmus. Sed fuit & alia tandem sub Rom. Cæsaribus Galliæ Belgicæ partitio. nam quidquid ad Rhenum erat, quia à Germanis, vt nuper diximus, habitabatur, Galliæ nomen amisit, ac in Germaniam primam, in qua Maguntiacum, & secundam est distributum, & in hac quidem Agrippinenses, qui Vbij antea vocabantur, & Tungri erant, vt reliqua quoque pars, Belgicæ primæ, & secundæ appellationes sortita est. Succesit deinde illud tēpus, quo Romanorū Cæsarū relanguescēte administratione, exterę nationes magna colluie in Italiā ipsam, & in Gallias irruptionem fecerunt, & Barbarico furore omnia commiscētes, nouas etiam commentæ sunt appellationes, & nata Austrasiæ ac Vuestrasæ regna, crebraq. regnorū ac dominiorū cōmutationes, prout quæq. earū, altera alterā exturbabat: & hæc ferè vsq. ad Caroli Magni Aug. ætatem, sub cuius nepotibus alia deniq. exorta rerum facies, quando quidquid inter Rhenum erat, & Scaldim, cū in partitione, quæ facta est inter Lu-

douici Pij filios, Lothario obuénisset, lōgo deinde tem-
 pore, Lotharij regnum, & Lotharingia, nūcupatum est:
 donec tandem deficiente ea profapia, in varias, vt ad-
 huc nunc est, prouincias diuelleretur, atq. ex eo quan-
 tæ rerum omnium subsequutæ sint cōmutationes, non
 facile esset enumerare. Et sunt hæc tibi Mercator no-
 tissima; nec dubitamus, quin hic potius vtendum pu-
 tes, Strabonis consilio, monentis ea, quæ à Principi-
 bus dum reipub. temporibus obsequūtur, fuerint im-
 mutata, non vsque adeo diligenti persequenda studio:
 vt nec in illis curiosius immorandum, quæ sunt à non-
 nullis memoriæ prodita de huius gentis origine, quam
 ab ipso vsq. Gomero Iapeti filio deducunt. hæc vt ve-
 ra sint, nostra non indigent approbatione, vt nec sup-
 petit quo contraria refellamus. Antiquissimum certè
 est apud omnes scriptores, & celebre Celtarum no-
 men; sic enim ipsi se sua lingua nominabāt, quod Cæ-
 sar Iulius in suis commentariis proprium eius gentis
 facit, quæ partem illam incolebat quæ inter Sequanam
 est, & Garumnam. Vt Galli vocarentur, Romano sci-
 licet sermone, non nisi serò, teste Pausania, vsus obti-
 nuit. Verisimile autem est, eo primum tempore audi-
 tum id nomen, quo & ipsa Gallorum arma, cū sub
 Tarquinio Superbo rege, superatis Alpibus, in Ita-
 liam descenderunt. Siquidem & illi Senones è Celtis
 erant, manetque etiam nunc eorum nomen in ea par-
 te Galliæ quæ est inter Sequanam & Garumnam, vbi
 Sens ipsorū lingua dictū oppidum, ad Yonā flumē. Ex
 Celtis suos Galatas Græcos fecissē, & ab hoc Gallorum
 nomen formasse Romanos, est verisimile, quod pri-
 mum, vt supra diximus, Celtarum proprium fuit: vbi
 verò & reliquæ partes eis innotuere, Galliæ est nomen

factum commune, ac primum sub ipso C. Cæsare Belgæ sunt à Romanis cogniti, Gallorum omnium, vt ipse testatur, fortissimi. Vnde Belgarum nata sit appellatio, nec ipse tangit, nec quisquam veterum, de Barbaris, sibi que ignotis vocabulis parum, vt videtur, solliciti. Annales nostri, si sit illis quidquamtribuendum, quandoquidem & ipse Cæsar quæ in suis commentarijs retulit, ex ipsorum Gallorum se fatetur habuisse relatione (quamuis ille quidem propior, superiora illa tempora attingeret) ij ergo à Belo Deo dictum fuisse memorant oppidum amplum, seu potius ciuitatem in medio ipsius Belgij, quæ cum latè rerum potiretur, omni etiam regioni ac populo nomen dedisse, atque ex eius reliquijs Bauacum nunc restare oppidulum loci eminenti situm, multisque adhuc antiquitatis visendum monumentis. Cæsar Belgium vocat, vbi firmissima collocabat præsidia, existimās hac potissimū ratione tutissimā Galliam si Belgium quietum foret, quod inde præcipui motus timerentur, & ipsum ibidem sæpius hiemasse legimus. Videtur tamē alicubi Belgium cum Bellouacis cōfundere, & Belgium pro regione habere. Sic enim lib. v. cū dixisset: Tres legiones in Belgic collocauit. his M. Crassum quæstorē, & L. Munatium Plancum, & C. Treboniū præficit. mox cū illis opus haberet ad liberāda Q. Ciceronis hiberna ab Ambiorigis obsidione, subdit: Statim nuntios in Bellouacō ad M. Crassum quæstorem mittit. nisi dicamus, Bellouacos quoque Belgij partem fuisse. siquidem & hi in medio ferè sunt Belgicæ, & ab eodē Cæsare præcipui laudibus celebrantur. Ceterū de Belo non constat vnde ea religio ad Gallos manarit: videtur quidem ab Assyrijs sumpta, apud quos Bel Solerat, & quadā sa-

orum ratione, pro Sole & Saturno colebatur, quem-
admodum & apud Gallos loco supremi cuiusdam nu-
minis erat, nec enim tam præcisè suum cuique deo-
rum assignabant officium, vt est à Græcis factitatum.
Et licet eius rei nulla exstent apud politiores scripto-
res testimonia, non absurdū tamen sit, Assyrios cū la-
tissimè imperarint, suam etiā religionē cū plurimis na-
tionibus cōmunicasse, quod Romanos postea fecisse
egimus. Herodianus sanè facit mentionem Belis,
quem Aquileiensibus, qui tunc Gallica gens erant, pa-
trium numen fuisse, & Solis loco habitum refert. Sed
hæc vt de re dubia, atque ob altam antiquitatem ob-
scura, sit protulisse satis, & aliorū penitiori indagatio-
ni locum relinquentes, ad susceptam peregrinationem
properemus. Hic verò, Mercator, ne graue sit vr-
biuin nostrarum, quæ sunt omnium notissimæ, bre-
ues descriptiones percurrere, vnde hanc ordimur nar-
rationem, vt reliqua deinde suo ordine subsequantur.

Prima Antverpia profectis ad III. M. est Mechli-
nia ad Diliam flumen, loco plano. in agroq. fertili, ter-
ra leui, ac subarenosa, omnigenū fructuum feraci,
modò debitus cultus impendatur, vrbs mœnibus, &
situ imprimis munita, ob aquarum copiam, quibus ex
Oceano per Scaldim, statis temporibus ad hunc vsque
locum restagnantibus, faciliè quotiescunq. vsus requi-
rit, circumiacentem agrum magna ex parte inundare
faciunt. Exigua admodum eius ferūtur initia, & quod
magis mirere, non ita longo temporis tractu, in eam,
qua nunc est, amplitudinē excreuisse. Sic enim, cū
ea de re quæreremus, nobis retulit Iacobus Sufius no-
ster, reconditæ vir eruditionis, quondam hoc loco ni-
hil fuisse præter ædes illas veteris structuræ iuxta Diui

Remboldi Sacellulum, ad quas, medio scilicet itinere inter Bruxellas, & Antyerpiam, peregrinantes diuertebāt. His pro insigni erat Diuus Michaël Archangelus, aut, vt alij referūt, hospitis nomen erat Michaël, quod vernaculo sono *Machiel* efferūt, & inde nomen vrbi manasse, detorto paulatim in *Machlen* vocabulo. Alij aliam huius nominis rationem adferunt ex versibus quibusdam, sumptis, vt videtur, ex Itinerario quodam Imp. Maximiliani eius nominis i. Aug. eiusq. tempore scripto, qui sic se habent:

- Tandem peruenit ad urbem,

Vrbem quam veteres quondam dixere Salinas:

Quæ quia multorum causa exstirrit illa malorum,

Dum non vult dominas Eburonum agnoscere gentes,

Nomine mutato Iuuenes dixere Malinas.

Vbi tamen poëticam potius allusionem, quàm fidem historicam agnoscas, cùm nominum etymologiæ ex cuiusque gentis vernaculo melius, quàm ex peregrino sermone petantur. His initiis cœpit Mechlinia, nunc ædificiorum venustate, viarum apta & eleganti dispositione, pontibus lapideis, templis præterea ac turre altitudinis admirandæ, inter omnes Belgicas vrbes conspicua. In hac summus est Senatus à Carolo Burgundo, regis Philippi abauo institutus, vnde plurimæ Belgicæ ciuitates ius petunt. Claret & viris doctis, & ingeniosis artificibus artis pictoriæ, statuariæ, & præcipuè artis fusoriæ magistros insignes alit. Hinc Louaniū venimus, quæ *iv.* itidem distat M. oppidum amplum, quodque Ducatus Brabantie antiquissimum creditur: eius sanè procures in publicis eius Ducatus ordinum confessibus principem locum tenent. Qua intratur collis est, in cuius iugo arx vetus, & fanum

Diuo

Diuo Ioanni sacrum, puteusq. profunditatis admiranda, ex quo aqua gelidissima hauritur. hinc versus forū sensim descēditur vbi Curiā nō tam amplo quā for-
 moso opere exstructam, & è regione Diui Petri Basilicam videas, Huius vrbis præcipua sunt ornamenta litterarum studia, & viri docti, qui hīc, si vsquam in
 rota Belgica, singulis temporibus floruerunt, & ad hos vsus magnificè exstructæ ædes quamplurimæ. situs amœnus, seu quem siluæ, seu altis in collibus vineta delectant, & vina quidem quæ securus bibat Musarum
 alumnus, & hæc vel intra ipsa mœnia vel nō inde procul. habet & suos pratorum viridantium prospectus, & agrum non infertilem. Ad hæc aëris salubritate ac
 ciuium erga aduenas comitate singulari commendatur: ita vt ad litterarum studia nihil hac vrbe accōmodatius esse possit. De eius initiis aut nominis origine nobis nihil constat. Nam quod Luposinam ante C.
 Iulij Cæsaris tempora appellatam fuisse nonnulli tradant, fabulæ quā hīstoriæ similis ducimus. Sigebertus Gēblacensis Castrū *Louen* vocat, vt & hodie adhuc lingua vernacula dicitur, & an. sal. DCCCXXXII.
 Normannos hic castra posuisse contra Imp. Carolū aug. Crassum cognominatum, scribit, eratque tunc in cōfinio regni Lotharij. Postea Comitatus titulum obtinuisse, eorum annales referunt. Sed prodibunt hæc aliquando in lucem, Deo volente, locupletissimè tractata Petri Diquæi, viri doctissimi studio, & diligentia, qui quanto sit in veteri hīstoriā explicanda acumine, editus iam de Galliæ Belgicæ antiquitatibus liber, satis declarat, & ipsi testes esse possumus, quā sit ad reliqua exsequenda copiosa instructus supellectile, qui cum coram his de rebus differentem audiuius,

atque eo nomine plurimum nos Louanio debere fate-
mur, quòd hic eum conuenire, & familiaritatem con-
trahere licuerit. Hinc Gemblacum ire placuit, vt in-
signem illam bibliothecā librorum manuscriptorum,
quę in eo ferebatur esse Cœnobio videremus. Nec nos
ea fefellit opinio, adseruantur enim hîc optima exem-
plaria quamplurima, & librorum præcipuè, qui rem
theologicam tractant, quales sunt veterum religionis
nostræ antistitum lucubrationes, & quicunque ab eo
tempore scripturam sacram Latinè sunt interpretati,
nam ex Græcis nullos vidimus. Ad sunt & poëtarum,
& oratorum opera, & quidquid ad Latinas facit litte-
ras aliquorum & diuersa exemplaria, quorum tamen
nonnulla quæ etiam habet catalogus, hoc tempore de-
siderātur. Historiarum præterea videre est lōgo ex or-
dine disposita volumina, & inter ea Sigeberti sui me-
moriā sanctè conseruat: qui quondā in hoc eodem a-
gens cœnobio, Chronicon illud succinctū quod pas-
sim habetur, concinnauit, atque ab imperio Valenti-
niani lun. & Gratiani augg. exorsus, ad sua vsque per-
duxit tempora. Vixit autem sub Henrico eius nominis
III. augg. & anno MXXII. diem clausit supremum.
Scripsit & alios libros, qui itidem hic extant, non-
nullos prosa, alios & metro, quibus de omni littera-
tura optimè est meritus, quantum ferebat illa ætas,
quæ & vtinā tales multos tulisset: cerè non tam muti-
lam haberemus illorum temporum historiam, quæ in-
signes rerum commutationes tulerunt, & ipsius Ro-
mani Imperij, quo nullum fuit vnquam illustrius, ab
exterarum nationum colluue deuastationem: Cœno-
bium verò hoc suum imprimis nobilitauit. Louanio
Gemblacum quæ VI. distāt M, iter est arduum vt plu-
rimum,

rimum, & saluosum, per eam Brabantia partem quæ Gallobrabantia nuncupatur. Ad v. ferè M. prope pagum VValheim vulgo dictum, cernuntur in loco edito, & ab omni parte cōspicuo tumuli duo terrei, rotundi, & fastigiati, gramine vestiti, & arbuſtis incincti, quos cū manu aggestos iudicaremus, videbantur ad Romanorum posse referri tempora. Illos siquidem tumulos eiusmodi exſtruere ſolitos, quos & cippos vocabant, vt militū ſuorū qui in acie occubuiffent reliquias regerent, paſſim reſtantur hiftoriæ. Sic apud Tacitum Germanicus Cæſar cladis Varianæ reliquias condi curauit, & ipſemet primū exſtruendo tumulo ceſpitem poſuit, gratiſſimo in defunctos munere, & præſentibus, inquit ille, doloris ſocius. Hic ad viam venimus rectam, & ſupra vicinos prominentē agros, quæ ad Tungros pertingere diceretur, Bauaci, cuius ſupra meminimus, initium capiens, vnde & plures eiusmodi vias militares ad celebriora quæque Gallia oppida ducere. Stratas fuiſſe has olim ſaxis grandioribus indicant earū quæ multis in locis adhuc reſtant fragmenta: nunc gramine vt plurimum virent, ſub quo induratum ſolū ſilice minuto, ſeu glarea aduectitia, vt videtur, cum his in locis nuſquā reperiatur. vulgus vias has omnes vocat les Chauffies de Bruneault, quod regis Belgarū nomē fuiſſe volūt, qui etiā ante Romana tempora latè rerum ſit potitus. Videtur tamen Gothicum potius quiddam ſonare: atque mirum, C. Cæſarem, diligenter alioquin ſcriptorem, rei tam præclaræ nulli meminiſſe. Sed fruamur his noſtris quatenus poliores non exſtent quæ huius rei meminerint hiftoriæ. De Brunehilde quidem Sigeberti vxore, quæ mortuo marito Metenſibus & Sueſſionibus imperabat, ſcribit

idem

idem Sigeb. eã scilicet ædificia admirandi operis construxisse, vt miraculo fuerit tanta ab ea fieri potuisse.

Ipsam porro Gemblacum (vt vnde sumus digressi reuertamur) oppidulum est situ aspero, nempe contra collem, præcipitiis & profundis vallibus ab omni fere parte circumcinctum, nisi qua orientem solẽ spectat, quod summum collis iugum est. ad radices fluit Lorno vulgo dictus fluuiolus, qui circa Gemep vicum Sabi miscetur. Cœnobium de quo iam diximus, Diuo Huberto dicatum est, ipsa ædificij vetustate venerandum, & nobile, quod Platina in Stephano VII. à quodam Guiberto Lotharingiæ principe propria impensa extructum scribit, atque de eo tale distichon in templo parieti adscriptum legimus.


VNUM D. SCRIBIS C. IIII. X. BIS, ET
I. BIS

DVM CLAVSTRVM PER TE FIT GEM-
BLACENSE GVIBERTE.

Ordinis est sancti Benedicti, Abbas Comitatus titulum gerit, primumq. inter nobiles obtinet locum in cõfessu ordinum Brabantia, at inter ecclesiasticos proceres postremum. Namurcum hinc toto ferè itinere descenditur, ad III. M. Oppidum est Comitatus titulo insigne, & summo eiusdem Comitatus Senatu. Sabis fluuius hoc perluit, habetque à sinistra præcipuam eius partẽ, quæ plana omnino est, foro rerũ venalium, Curia, templis, multisq. ædificiis lapideis exornata: à dextra, montis alluit radices, ad quas sunt & priuatæ ædes multæ, & supra eas arx alta & munita, ædificioque spectabilis. hinc ad ipsa mœnia idem Sabis, vbi & pontem videas lapideum, in Mosam intrat. Mosa suum quoq. habet pontem operis lapidei,
& se-

& secundam hanc claudit vrbis partem, in qua arcem esse diximus. est quoque in ea ipsum templum primariū, seu parochiale, vt vocant, D. Virgini consecratum. Vnde colligi posset primam vrbem hoc loco fuisse intra vtriusque amnis confluentem, Mosæ scilicet ac Sabis. Inæstimabile hic Sabis toti oppido damnum tulit anno MDLXXI. die VII. Februarij, vti ea & altitudo, & dies in multis adhuc domorum frontispiciis inscripta cernuntur: in immensum enim excreuerat, ita vt multa opera disiecerit, inter quæ ædificium amplum, molis ad varios vsus magno artificio dispositis inseruiēs, quodq. sub vnico tecto rotas vndecim ad fluminis alueum exponit, & tantam silicum copiam aduoluerat, vt ferè aluei sui ostiū obstrueret, qua Mosæ influit, vbi adhuc videre est ea alluuione natam insulam, in qua inter silices reperta numismata antiqua asserebāt. Celebratur hæc ciuitas ob ferri præstantissimi copiam, cuius metalli in Arduena silua, quæ hic proximè ad alteram Mosæ fluminis ripam est, officinas multas habet: abundat & lapide coloris subcinericei ad extruendas domos, quem vel per Mosam eundē in lōginquas deuehunt regiones: alio itē coloris eiusdē, qui cūm fissilis sit, ac vel in tenuissimas laminas secetur, vtuntur eo, loco scandulatum, ad ædium tecta. Vidimus & hic varia marmorū genera, omnia ad Mosam, sed diuersis tamen locis, excisa. quod Dionanto aduehitur, nigerimum est. candidum aliud vel rubicundum, venis respersum diuersicoloribus sub arce Agimont vulgo dicta, reperitur. est & aliud genus nigri coloris, notulis interstinctum candidissimis. & quis plenè descripserit tam varios naturæ lusus? Ex his columnas expoliunt, magnatum sepulturas erigunt, aliaq. commi-

miniscuntur ornamenta. Sed ad Mosam redeat narratio, qui in finibus Lingonū ortus, multas præcipui nominis vrbes præterfluit, & recepto, vt diximus, Sabi ad ipsa huius vrbis mœnia Huijum properat, quod hinc ad v. est m. Torus hic tractus longè est, quàm dici possit, amœnissimus. Quis enim satis miretur altissimas, & præruptas rupes, quibus ab vtraq. parte munitur, veluti continuo quodam muro, nisi vbi ripæ accolarum indulgentes commoditati, paulloque longius à suo amne recedētes, locū sementi faciendo relinquūt, vel sensim accliuēs, siluas & saltus exhibent, aut vine-
ta, vel locum agricolarum casis relinquunt; quas etiam ipsas à ventorum iniuriis defensant. præbent & arcibus vel ad tutādā ripam, vel ad delectationem extructis solidum fundamentū. inter quas est illa, quæ Samsonis nomen gerit, à qua nō procul, in aduersa tamen ripa in rupe est durissima inscriptum hoc epitaphium:



Huijum oppidulum ad vtramque est Mosæ ripam, quas ponte lapideo, longo atque amplissimo connectit, melior tamen eius pars ad dextram est, vbi forum & in eius medio fons, multa templa, & ipsum primarium

fium D Genitrici sacrum, à Theoderino xxiv. Leodienſium Epifcopo, vt habent Placentij annales, conſtructum, ſed ciuium impenſis; magna mole, lapide coloris ſubcinericei, quẽ & hic exciſum ferunt, in altitudinem admirandam extructũ, cui impendet in alto mōtis iugo, arx illa nobilis, & inexpugnabilis ab Erardo à Matca epifcopo inſtaurata, vbi & puteum in ipſa rupe duriffima excindere aggreſſus, opus tandem immenſo labore, ac diuturno, magnis que impenſis abſoluit. Nomen ſumere putatur ab Hoia fluuiolo, qui ad vii. hinc M. è rupibus prorumpens ipſum prius oppidulũ in varios diuiſus alueos perluit, ac iuxta pontem, de quo iam diximus, Moſæ confunditur. Fuiſſe hoc olim magni nominis, & ſuos habuiſſe Comites aſſerunt, quibus parebat ab vna parte Hasbania, ab altera Cōdrufi, qui hodieq. antiquũ ſuũ nomẽ retinent; ac tandẽ ſedi (vt nunc loquũtur) Leodiẽſi, donatione acceſſiſſe. primũ poſt ipſam Leodiũ inter vrbes Leodiẽſis ditionis locũ obtinet. Inter Huijum & Leodium quod iter eſt v. m. ſecũdo flumine, multi ſunt ad utrãq. ripam pagi, & ad ſiniſtram quidem Gemeppe vulgo dictus, longiſſima ædificiorum non contemnendorum ſerie ripam eius exornat. Ceterũ Moſæ ipſius eadem fere facies, ac ea, quam modò vtcunque adumbrauimus, niſi quòd rupes paullo ſint accliuiores, nec tam duro lapide, vinetis vt plurimum à ſummo ad ipſum vſque fluminis alueum conſtræ, vel ſiluis horridæ ſiquæ ad ſolem orientem, aut meridianum nõ ſpectant. Leodium primo aſpectu oſtentat in ſiniſtra ripa (nam dextra vinetis plena eſt,) magna, & populosa ſuburbia ad collium radices, in quorum iugis multa ſunt, & pulcherrima Monasteria, inter quæ magnificum illud ac
nobile

nobile D. Laurentio dicatum ab Raginardo episcopo, ut habet Sigebertus, circa ann. sal. MXXV. ædificatum. est in hac quoque regione Guilelmitarum Cœnobium in quo epitaphium hoc Ioannis à Mandeuille excepimus:

HIC IACET VIR NOBILIS D^NS IOES
DE MANDEVILLE AL' DCVS AD BAR-
BAM MILES D^NS DE CAPDI NATVS DE
ANGLIA MEDICINÆ P^REFESSOR DEVOTIS-
SIMVS ORATOR ET BONORVM LARGIS-
SIMVS PAVP^RIBVS EROGATOR QVI TO-
TO QVASI ORBE LVSTRATO LEODII
DIEM VITE SVE CLAUSIT EXTREMVM
ANO D^NI M^O CCC^O LXXI^O M^ENSIS NOVE-
BR^E DIE XVII.

Hæc in lapide, in quo cælata viri armati imago, leonem calcantis, barba bifurcata, ad caput manus benedicens, & vernacula hæc verba: VOS KI PASEIS
SOR MI POVR LAMOVR DEIX PROIES
POR MI. clypeus erat vacuus, in quo olim lami-
nam fuisse dicebant æream, & eius in ea itidem cælata insignia, leonem videlicet argenteum, cui ad pectus lunula rubea, in campo cæruleo, quem limbus ambiret denticulatus ex auro. eius nobis ostendebant & cultros, ephippiaque, & calcaria, quibus vsum fuisse asserebant in peragrando toto fere terrarum orbe, ut clarius eius testatur Itinerarium, quod typis etiam excusum passim habetur. Et hæc quidē ad suburbia. hinc colles longius recedentes amplam relinquunt planitiem, quam Mofa, receptis aliquot ex Arduenna silua profluentibus fluviolis, in varias insulas partitur, sic huius vrbis inferuiens comoditati, ut vix ullus sit in ea vicus, qui non suum fluentem habeat. Si quis nunc velut singulatim per-

persequi; quantum hæc planities, vnà cum vicinis ab
vtraque parte collibus, templis angustis, ac Cœnobiis;
ædificiis præterea magnificis, publicis & priuatis, pon-
tibus marmoreis, fontium limpidissimorum copia, re-
liquisq. rebus quæ pro tantæ vrbis captu requiri pos-
sint, sit decorata: plûsculum impendendum sit operæ
quàm Itinerario cōueniat: nobis sit satis aream ipsam,
& rerum summas attigisse, cū ei lustrādæ nec quan-
tum opus fuisset temporis impenderimus, & sit alio-
rum encomiis iam pridem celeberrima. Initium eius
amplitudinis fecit Diui Lamberti religio, & pietas;
cū ante illud tēpus vicus tantū esset, & præcipuè
florerent Heristallum & Iupilla sub Pipinis, quæ hinc
non procul ad vtramque Mosæ ripam, loco amœno, &
fertili, nunc (tantum æui longinqua valet mutare vetu-
stas) in vicos abiisse videmus, & vix ruinas superesse
domicilij tot clarorum Principum. Cædem Diui Lam-
berti refert Regino Prumiensis ad ann. salut. circiter
D C X X I I. à Dodone quodā, aliisq. viris sceleratis per-
petratā, in hoc eodē vico, quod vir sanctus aulicorum
culpatet vitia: & fertur ita mansisse vicus vt erat, vsq;
ad Imp. Caroli Magni ætatem, quando ab Huberto
Aquitānorum duce, qui vnus erat ex eius proceribus,
Diui Lamberti corporis reliquiæ, vnà cū sede episco-
pali Traiecto huc translata fuerunt, quod etiam antea è
Tungrorum vrbe delata fuerant. Urbem muto cinxit;
vt est apud Sigebertū, Notgerus episcopus, ac X X X V I.
annorum, quibus huic ecclesiæ præfuit spatium, sic eam
magnificis operibus decorauit, vt non immeritò eius
quodammodo conditor diceretur. Excessit hic è viuīs
ann. sal. M V I I. sepultus ad D. Ioannis Euangelistæ;
quam ædem, Aquisgranensi perquam similem, & ro-

tundam penitus, nisi quodd ad latera sacella postmodum accessere, condidit ipse suo sumptu, & in ea Canonicoꝝ collegium instituit. Quin & ipsam D. Lamberti Basilicā ab Huberto Duce, de quo supra, dicatā, cū vetustate dilapsa esset, à fundamentis renouauit. Mosam fluuium vrbi induxit, cū antea in eius flueret pomœrio: & alia præterea quamplurima, vel primus condidit ipse, vel ab aliis inchoata cōsummauit, & amplioribus dotauit redditibus Monasteria, ac templa: vti in eius vita, quam in hac eadem æde in tabula membranea videas, fusius declaratur. vbi & arcem quæ Montis. caprini dicitur, sui iuris fecisse, & castrū Huijense suæ itidem acquisiuisse ecclesiæ legitur, idq. constare ex diplomate Othonis III. Aug. apud quem auctoritate valebat plurimum, vt & apud eius successorem Imp. Henricum II. Bauarum, cui ad recuperandum castrum Valentianas, in confinio Franciæ ac Lotharingiæ, quod Balduinus Flandrensis inuaserat, superpetias tulisse, eadem hæc habet tabula; & eius multa commemorat illustria facinora. Non procul ab hac D. Ioannis æde, in eademq. insula (quales Mosam in varios diuisum alueos facere, iam demonstratum) quæ est etiam omnium maxima, templum est aliud pulcherrimum D. Iacobo dicatum, à Baldino episcopo erectum ann. MXIV. vt idem refert Sigebertus Gemblacensis. Sunt omnino in hac vrbe octo insignia Canonicoꝝ collegia, parochiales ecclesiæ triginta duæ, vnde eius amplitudinē colligas, & ipsa quatuor Fratrum mendicantium contubernia, Franciscanorum etiam duplicatum. Aulæ, quæ è regione Diui Lamberti est, fundamentū posuit Erardus à Marca operum magnitudine sat notus, idemq. absoluit, celeritate admiran-

mitanda, vñ Imp. Carolum vñ Aug. in ea exciperet: magnū verò illud opus & sua mōle spectabile, nec reliqua cultus delicatioris in eo desiderantur. Sed viridaria in primis mirabamur, in quibus plantæ lectissimæ, eoque ordine dispositæ, vt nihil fieri posse elaboratius iudicaremus. quis fontium præterea amœnitate non summopere delectetur, pulchrissve structuris ex diuerso mariorum genete cōpositis, vnde aqua magna erumpens copia, gratissimum etiam frigus vicinis conciliat porticibus, & eius latè per fornices relabētis volutant mutmura. In hac aula habitauit ipse eius conditor, & reliqui omnes ab eo episcopi, cū ante id tempus nulli esset certa sedes. Ipsi autem ex Romanī Imperij Principibus sunt insigniti titulis Ducatus Buillonij, & Comitatus Lossensis, & ampla admodum est eorum ditio, quæ cōmuni nomine Leodiensis, sumpta ab hac ipsa vrbe appellatione, dicitur. Vnde sit Leodio nomen, nobis nō constat, ac vt de eō multæ circūferuntur opinionēs, ita nihil quod cuiusquā videatur momēti. Vernaculo sono *Liege* efferūt, voluntq. nōnulli sic appellari riuulū, qui per forū fluit ex proximis ortū ducēs collibus: sed hæc opinio à paucis recipitur, immò si ille riuulus nomē habeat, à maxima parte ignoratur. Et hæc quidē de publicis operibus, quantum huic narrationi sufficiat. quis verò enumeret quantum priuati ornatus in singulis Canonicoꝝ, & virorū doctoꝝ, quibus in primis hæc abūdat ciuitas, edibus passim reperias! ac vt ipsas ædiū è solido marmore moles prætercas, quis nō mirificè oblectetur, tot horroꝝ, ac viridarioꝝ amœnitate, quæ vel in planitiē iuxta aquas, vel in ipsis colliū qui huic impendēt iugis, suos quoq. habet fōtes, & pulcherrimo fruūtur tātē vrbis profec-

Tu! hinc oriēte die tot clarorū ædificiorū culmina as-
 surgere, eadē decedēte paullatim capita submittere vi-
 deas. Quid refertissimas dicamus bibliothecas, pictu-
 ras, statuas, easque vel huius memoriæ artificum, vel
 antiquas: ita vt in hac sola vrbe videre contingat, quæ
 magno vix labore in diuersis orbis terrarum partibus
 peregrinando reperias. Cuius quidem rei vel solæ fi-
 dem faciāt, pulchræ illæ ædes quas Dn. Læuinus Tor-
 rentius vir eximius, & nostro hoc sæculo Lyrici prin-
 cepts carminis, suo sumptu exstruxit, in quibus, vt
 loco ab omni ea parte aperto, quæ ad salubritatem re-
 quiritur, adiutus: ita singulas earum partes congruē
 disponēdo (vt in eo Lāberti Lombardi pictoris quon-
 dā & philosophi celeberrimi inter Eburones, felicem
 in architectura manū agnoscas) singulisq. sua aptan-
 do ornāmēta, est adsequutus, vt his amœnius nihil es-
 se possit, nec quamuis non ita amplo in spatio laxita-
 tem desideres. Sed has præcipuē honestat ipse, comita-
 te erga litterarum studiosos singulari, & insigni biblio-
 theca librorum etiam manuscriptorum, æreis præ-
 terea imaginibus antiquis, ac vasis, figuris hierogly-
 phicis circumquatque insignitis, eius capacitatis qua-
 lia nunquā antea videramtis, humismata verò antiqua
 ea habet tum copia, tum raritate (vocabulum inter e-
 ius rei studiosos notum agnoscis) quibus ipsa inuidere
 possit Italia: nec enim alibi plura Romanarum gen-
 tium facile reperiri posse nomina existimamus. Secun-
 dus ab hoc sit in antiquitatis studio D. Arnoldus à
 Wachtendonck; in eo enim & ipse egregiē versatus, &
 antiquitatis instructus est non exigua supellectile: can-
 dorem, verò ingenij, cū pari certantem eruditione, quis
 in eo satis amauerit? Claret & Dominici Lamplsonij
 singu-

singularis eruditio, & in carmine vel Latino vel Græco castitas & acumen, in hac eadem ciuitate, quæ & nuper admodum Caroli Langij sui funus extulit, magna cum omniû bonorum desiderio. & si quis singula reuoluat tempora; vix vllum fuisse comperiet, quo sua hæc non habuerit præclara quædam lumina. Sed longius fortasse sumus prolapsi, quàm hæc ferat narratio, dum amicitia indulgemus, & ab amicorû virorû consuetudine ægrè diuellimur. Hac ergo vrbe nobilissima iuxta & amplissima sic summatim lustrata, visum est Tungrorum oppidum III, abhinc distans M. petere, quamuis in eo susceptæ peregrinationis tenorẽ inuertentes, ne tãti quondam nominis locum negligemus. In itinere visuntur multis in locis ruine turrium, quas putabamus tempore Francorum, qui hos olim agros incolebant, speculas fuisse. forma apparent quadrata, ac rudioris structuræ, & sunt in locis eminentioribus omnes, vel tumulis ad id ipsum, vt videtur, aggestis impositæ. Illi verò tumuli tres iuxta proceras arbores, sensim fastigiati, & virides, eiusdem videntur argumenti cum eis, quos supra descripsimus, & fidem faciunt omnium ferè ætatum historiæ quantum his in locis sit bellatum, dum Galli patriam libertatem acerrimè propugnant, & pulchram petunt per vulnera mortem (vt inquit ille) sed hostium tamen magnos linquẽtes cladis acervos. Ipsum porro oppidulũ (nihil enim aliud nũc restat ex tã clara olim vrbe) ad Iecoram est fluuiolum, qui iuxta Traiectum in Mosam in fluit, situ omnino eminenti, & circumquaque sensim accliuui, desinente quæ in paludes, aut profundas conualles, vbi ab vna parte, qua magni, & tortuosi anfractus, Oceani brachium ipsos muros quondam alluisse vul-

go creditur; ad cuius rei fidem allegant, maiorum suorum memoria, nec ita longo abhinc tempore, adhuc in usu fuisse in distinguendis ea in parte agrorum limitibus, vocabulum *Zeedeich*, quo passim appellant aggeres ad coercendum maris impetum congestos. Alij, & fortassè veriùs, stagnum fuisse, vel lacum malunt, cum idem *Zee* vocabulum Germanis superioribus in primis, pro stagno sepius, vel lacu accipiat. Urbis huius amplitudo quanta olim fuerit, ut ex historiis constat, ita eius quæ hodieque restant mprorum rudera, id ipsum manifestò ostendunt, quibus ab una adhuc parte longo circuitu ambitur, ac inter ea & recètiorum murum, qui oppidulum nunc claudit, plurima quotidie eruuntur ædificiorum fundamenta, plurima & antiquitatis monumenta, nummi, gemmæ variis in scalptra figuris, vasa fictilia: Inscriptiones, aut statuæ paullò maiores raro, ut nec in ipso oppido quidquã eiusmodi videas, nisi quod in sacellulo rotundo, quod iuxta summum templum est, & à Diuo Materno edificatum referunt, nonnulli & Romanorum esse opus existimant, vidimus muro insertum lapidem vetustate adesum, in quo vestigia apparèt imaginis imberbis galeatæ ac cristatæ, dextra hastam, sinistra vel clypeum, vel gladij capulum tenentis, quam fortassè Minervæ imaginem non incommodè dixeris. Ipsi incolæ Herculis esse putant, cuius & caput esse in alio muri eiusdè lapide, cum tamen manifestò Gorgonis esse faciem anguinei crines, nodo sub mento collecti, arguant. Sed vulgi is error, temere rebus ignotis nomina affingere: & fortassè in eo quoque falluntur, quòd fontem illum, qui non procul à vetere muro est, eundem esse autumant, cuius Plinius lib. suæ historiæ xxxi. meminit, in eo Plinij loco ciuita-

ciuitatis nomē , quo potius vsus videtur in propria significatione , pro oppido accipientes: vt idem sanè sit, multum ab eo sapore , quem disertè explicat ille, degenerauit: de efficacia ipsi viderint, nec admodum mouemur, quòd eo leuatos esse multos referant: hallucinantur enim homines in applicatione caussarum vt plurimum , & sæpe medicinæ acceptum ferunt , quod natura sua quadam vi sine cuiusquam adminiculo perfecit. Hæc ferè sunt, quæ hac ætate restant ex antiqua illa & famosissima olim Tungrorum vrbe , quæ quondam principem in Germania secunda locum tenuit , à Tungris illis proculdubio nomen sortita, quos Corn. Tacitus primos fuisse, qui Rhenum transgressi Gallos expulerint, & se nunc Tungros, nunc Germanos nominasse tradit , nouo , & tunc primùm addito vocabulo. quod quidem tempore C. Cæsaris iam erat vulgatissimum , obliterato priore illo , cuius in suis commentariis protus nullam facit mentionem: sed has ipsas sedes Eburonibus tribuit , quos cū magnis aliquot præliis superatos , vicinis nationibus direptioni exposuisset: verisimile est eius gentis reliquias , vbi paullatim ad suas sedes se recepissent , abiecto Eburonum nomine, quod Ambiorigis casus odiosum omnino , & capitale apud victorem exercitum effecerat , vetus Tungrorum resumpsisse: quod apud Tacitum , & posteriores inde scriptores, ad hanc vsq. memoriam, tam est celebre, quàm de Eburonibus perpetuum silentium. In quo Cæsar quod volebat, ne quid eius obstaret felicitati, est adsequutus , vt nomen ciuitatis ac stirpis extingueret. Ceterùm quid hoc loco olim fuerit , vel quando primùm hæc vrbs fuerit cōdita, veteres nobis incertum reliquere, Est in libello, qui sub Antonini Pij no-

mine circumfertur Itinerarium, quod Castello, nunc Cassel in finibus occidentis Flandriæ, Coloniam Agrippinā ducit, in qua Peruiciacū esse, quod nūc Peruwes dicunt, & nomē, & locorū ordo, & ipsa adeo conuincit distantia. Hinc ad M. pass. $\overline{\text{xiv}}$. Aduacā Tungrorū (sic enim potius legendum putamus, quā in Ad Vagan Tongrorum, ut nonnulla habent exemplaria) subiungit. Ut Tungrorum hoc oppidum sit, in numero quidem passuum errorem esse, erit necesse; esset enim longē iusto minor; non videmus tamen quem alium potius esse locum existimemus. Nam quācumq. tandem hic libellus etatem referat, hoc oppidum diu antē stetisse, nemo infitias ibit, & in eo omnes consentiunt historiæ, longē esse antiquius Cameraco, Iuliaco, & reliquis, quæ in eodem recensentur Itinerario, & quidē potens, & amplum fuisse. Cumq. in eodem sit tractu, per quem Castello, vel Peruiciaco Coloniam petentibus sit faciendum iter, non videtur in regia illā via silentio præteriri potuisse: & facilius fuit scribā in numeris errare, quā ut tantæ vrbis nomen omisisse credamus, ut in hoc eodem libello, eorundem prorsus locorum distantiam, aliter atq. aliter notatam, videas. Quid verò prohibet quin huc Ptolemæi *Ατουάκουτον*, vel quomodocumq. legatur, & Cæsaris item *Atuatucam* referamus (sic enim vetustiora habent exemplaria, non ut nūc legimus ad *Vatucam*, cōtra Latini sermonis consuetudinē, nec reperitur in alio casu hoc vocabulū in eius commentariis, quod sanē dubitationem hāc tolleretur.) Videntur enim illa in idē recidere, nisi quantum vulgi imperitia temporis successu tandem, in propriorum nominum prolatione, quod ipsum & hac memoria vsuuenire videmus, immutatur; ut non mirum sit Romanos, aut Græ-

eos homines, diuersis temporibus in eorum scriptura variasse. Hæc si ita sint, iam habemus quid de hoc dicamus oppido: Castellum videlicet fuisse, etiam ante Cæsaris in Gallias aduentum; quod cum loci natura esset egregiè munitū, Romani in eo duces suos milites in hibernis continebant, & hinc fortasse paullatim sumpsit incrementa, quo tempore Galli, qui antea diuersi vt plurimum, & vt cuique commodum videretur, in agris casas habebant, nulla habita viarum aut munitionis ratione; bello sæpius laceffiti, oppida claudere, & sua in ea quæ salua esse vellent cōportare, cœperunt. Sic & aliis quoque in locis ex castris factas tandem vrbes legimus. Sed hæc ex coniectura. Si quis verò curiosiùs singula Cæsaris verba expendat, quibus de Atuatuca facit mentionem, reperiet cum nullo melius, quàm huius ipsius oppidi situ, tum loci natura conuenire. Vt enim dispositionem illam hibernorum de qua libr. v. agit, diligentius attendas, quæ millibus passuum centum continebatur: non potuere illa Q. Titurij Sabini, & L. Aurunculeij Cottæ castra ad Rhenum propius esse, vt & hac ratione in mediis Eburonū finibus dicerentur, & tamen Rheno subesse, respectu aliorum hibernorum, quæque prima Germanorum impetum exciperent. Huc accedit, quòd Sicambros ad diripiendos Eburones euocatos; vbi Rhenum transissent, longius progressos refert, vt ad hunc venirent locum: nec hominibus in bellis & latrociniis natis, paludes dicit, aut siluas in mora fuisse, neque prius visos à Romanis militibus, obiectis ab ea parte siluis, quàm castris appropinquaret. Sic enim ab ipsis incolis accepimus; omnem illam regionem, quæ ad Mosam vergit, ad ipsum vsque oppidum, siluam quondam ingentem.

& continuam fuisse, ita perplexam, & impeditam, ut
 vnius vix diei itinere, ad eum fluvium penetraretur.
 & hæc quidem erant, ante conditas vrbes, Gallorum
 propugnacula. Valles præterea magnas, & colles in hi
 locis non desideraueris, ut omnia quadrent Cæsaris
 descriptioni, quæ facilius agnosceret quisquis tam ele-
 gantem ac munitum vrbis situm diligenter expèderit.
 Tungris Leodiū reuertimur, & hinc per siluā Arduen-
 nam, pagum vulgo Spa dictum, ob fontes acidos cele-
 brem, qui v. distat M. petiuimus. Ad medium ferè M.
 pagus est Cenei dictus, & in eo pons lapideus, ad quē
 Vela fluius Vtam alium amnem recipit, & iūcti Leo-
 dium petūt. Hinc Louuegnie pagus, & ipse Spa in pro-
 fundissima valle, præruptis ab omni ferè parte cir-
 cumcinctus montibus, ædificiis plurimis, etiam ultra
 quā ferat pagi conditio, ex cultus, ad excipiendos ad-
 uenas, qui è longinquis regionibus ad hos medicatos
 fontes confluunt, estque eorum ab initio statim æstiuū
 temporis ad ipsum vsque hiemis initium, maxima in
 eo frequentia. In medio foro fons est itidem acidus,
 quem Sancti Remacii nuncupant, ab episcopo Leo-
 diensi, cui & paret hic locus, opere decoratus marmo-
 reo, & inscriptione: SANITATI SACRVM. Illi
 verò fontes omniū celeberrimi in altissimo sunt mon-
 tis iugo, inter silvas, ad medium ferè M. ad quos ar-
 duo omnino, & lapidoso itinere ascenditur, vehemēti
 totius corporis exercitatione, quod ipsum ad recupe-
 randam valetudinem, naturæque excitandum vigo-
 rem non minimi videbatur esse in omēti. His fontibus
 nomen est apud vulgus La Sauiniere, quo & montem
 nuncupant, è quo erumpunt: aquam verò *poison*, quod
 nobis *poison* interpretabantur eadem ratione, qua
 quod

quod ceteri Galli *majon*, ipsi sua lingua *mahon* profertunt; rationemque reddunt, quod ante exploratum eius usum & naturam, letalem eam iudicarent: hanc vero suam linguam vernaculam, Romanam adhuc vocant, & Germanos *Tischons* appellant; vetere scilicet Tuisconum vocabulo, & multas adhuc voces retinent ex veteri illa lingua, suam propius accedente ad originem, quas nostra hanc politior iam pridem explosit. Ceterum hos fontes nemo melius descripserit quam ipsis C. Plinij verbis lib. XXXI. ubi inquit: Tungri civitas Galliae, fontem habet insignem, plurimis bullis stillantem, ferruginei saporis, quod ipsum non nisi in fine potus intelligitur, purgat hic corpora, tertianas febres discutit, calculorumque vitia; eadem aqua igne admoto turbida fit, ad postremum rubescit. Stabulense hinc Monasterium, vulgo Stablo, in profunda iidem valle II. distat M. ad Amb'leuam fluuiolum, qui Vtæ cōiunctus ac postmodum Veste fluminibus, Leodij Mosæ miscetur. Abbatia est magni nominis, & in primis diues, diocesis Leodiensis. Abbas inter Romani Imperij proceres recensetur. Mansit hæc dignitas longo iam tempore in familia Comitū à Manderfcheit, ex qua erat Guilelmus Abbas Stabulensis, & Prumiensis (quod potens est, & opulentum aliud in hac eadem Arduenna, versus Treuiros Cœnobium) qui arcem contra montem, è regione huius Cœnobij construxit, ut habet eius epitaphium quod in medio templo legimus: obiit ann. M D XLVI. In hac arce Acta publica, libri manuscripti, ac ecclesiæ supellex pretiosior asseruatur, in eadem est monetæ officina, & ipsi ibidem ut plurimum habitant Abbates. qui verò nunc rebus præest, ex eadem est Comitum familia. Templum
inccn-

incendio deformatum est. cum enim diruto vetere, quod ruinam minabatur, nouum magna lapidum ac lignorum mole ædificarent, opus fulmine ictum conflagrauit, atque eo casu interruptum manet. Sunt & circa hoc Cœnobium alia ædificia in eadem valle, quæ oppiduli formam constituunt. Dictum volunt Stablo, quasi Luporum stabulum, quod tempore Diui Remaccli, nihil aliud hoc loco esset, quam stabula alta ferarum. Et vulgo narrant Remaclum eundem cum monasteriū hoc cōderet, asini vsum ministerio ad cōportandam materiam: quem cum deuorasset lupus, Remaclum lupum damnaſſe ad ſubeundas asini vices, eumque ſe morigerum omnino præſtitiffe. atq. ea de cauſa lupum onera portantem effigiari in huius loci inſignibus. Hoſpes ad quem diuerteramus, dicebat ſe eiſdem aliquando lupi exuias vidiffe, appenſas intrinſecus ad veteris illius tēpli veſtibulum; & cum id diruerent, ſe eas attreſtaſſe, magna incolarum frequētia, qui ob id ipſum eò concurrerāt; verūm ob multam vetuſtatem vix dignoſcere potuiſſe, cuius eas eſſe animalis dicerent, vſque eò, vt nonnulli porcinam potius pellem iudicaret. Hinc ad medium ferè M. pagus eſt Vuanen contra montem, Stabulēſis ditionis, & hinc alius, ſed exiguus, in valle, quem Ledeuac nominabāt, ad riuulum quendam, cuius nesciebant nomen, limitem tantum eſſe aſſerebāt Ducatus Luxemburgici. In quo quidem Ducatu primūm hoc itinere occurrit Salm pagus in monte ſitus, inter rupes tamen altiores, loco arduo, & aſcenſu difficili. Comitatus titulo habetur; & paullo longiūs arx eſt eiſdem nominis inter duorum montium anguſtias, in monte etiam, ſed paullo humiliore; in valle ſunt caſæ aliquot, & riuulus, ad quem ex-

scinduntur lapides nigri; fissiles ad integendas domos,
 vulgo *ardoises* vocant, & huius loci præcipuè commen-
 dantur. Hinc per eandem Arduennam, itinere aspe-
 ro admodum & saluoso, Hufalizam venimus, quod
 oppidulum est ad $\overline{\text{III}}$. M. vt reliqua fere huius regio-
 nis, in profunda valle ad Ourtam fluuiolum arcem ha-
 bet colli impositam, & Abbatiam, vbi legimus epita-
 phium hoc in monumento lapideo: *Chi gist Mesires*
Thieris Sires de Hufalize, Kideniat lan de grasse mil he cc.
quatre. Imago est viri, cum leone ad pedes, elypei in-
 signe crux aurea in campo cæruleo, crucibus resperso
 minutioribus ex eodem metallo. Erant & alia in ca-
 dem æde monumenta, quorum inscriptiones ob vetu-
 statem legi non poterant, nec de eis percunctati quid-
 quam resciscere potuimus. Hinc ad II . M. Bastonia est
 oppidum loco satis plano, & quidem paullò cultiore;
 vetustum non esse asseriebant ipsi oppidani, ac vix an-
 nos cccc. sterisse, ante quod tempus nihil hoc loco es-
 set præter agricolarum casas, incrementum verò fecis-
 se ob mercatum rei potissimū pecuariæ ac frumētariæ;
 confluentibus huc mercatoribus ex omni Arduenna,
 & locis circumiacentibus: ita vt non improprie Em-
 porium hoc Arduennæ nominaueris, vel vt ipsimet lo-
 quuntur, *Paris en Ardenne*. Forma est oblonga, & vni-
 ca ferè platea, ædificiis ab vtraq. parte bene cincta con-
 tinetur, per quam ab vna porta ad alteram paullum
 ascenditur. vnicum habet templū Diæ Genitrici di-
 catum, & Cruciferorum Cœnobium. Hinc profecti ad
 $\overline{\text{III}}$. M. Martelengam venimus, qui pagus est in valle
 ad Suram, vulgo *Saur*, fluuiolū, qui ad oppidum Was-
 serbillich Mosellæ miscetur. Arluniū hinc oppidum
 III . distat M. ac medio ferè itinere extremas Arduen-
 næ par-

næ partes constituunt huius regionis incolæ, quod ex
 pulchriore agrorum aspectu ac fertilitate volunt colli-
 gi, desinente paulatim Arduennæ horrore, de qua, an-
 tequã reliqua aggrediamur, locus admonet pauca sub-
 iungere. Arduennæ nomen est proculdubio antiquis-
 simum, & Gallicum. C. Cæsar siluam dicit, quæ magni-
 tudine ingenti per medios fines Treuitorum à flumi-
 ne Rheno, ad initium Rhemorum ac Neruios pertine-
 ret, patens in longitudinē millibus amplius quingeri-
 tis: & reliqui antiquiorum eandem ferè descriptionem
 sunt sequuti. Hac ætate longè angustiores habet limi-
 tes, sic temporis successu multis in locis excisa, ad se-
 mentem faciendam, vel ad alios vsus (quod ipsum ho-
 dieque fieri videmus) vt maxima ex parte siluæ nomen
 amiserit, quod ei potissimū parti remansit, quæ est cir-
 ca fanum D. Huberti, & oppidum quod vulgo *Marge-
 en Famine* nuncupant, vbi adhuc est continua silua
 procerarum arborum, fagorum præcipuè, & annosa-
 rum quercuum. & hæc cis Mosam, vltra quem siluæ
 adhuc multæ, quæ huius olim partes cū fuerint, nūc
 à reliquo veluti auulsæ corpore, alia etiam sortitæ sunt
 nomina, & hoc quidem tēpore Arduennæ nomē Mo-
 sa terminatur. Reliquam porrò partem, cis Mosam di-
 cimus, quæ pro silua non habetur, vulgo Arduennæ
 regionem, & sua lingua *Le país d'Ardenne* nuncupant,
 in qua sunt oppida illa, & pagi, quæ iā attigimus. Om-
 nia hic saltibus, & dumetis horrida, rarè procerio-
 res siluæ, atque ea solitudo, qualis in nulla alia Bel-
 gicæ nostræ parte. Et hoc quidem itinere, præter ea
 quæ iam nominauimus, vix rusticorum tuguriola oc-
 currunt, sicubi in conuallibus, ad aquarum riuulos
 prata, aut locus sementi paulò commodior. Serūt au-
 tem

tem, auenâm vt plurimum, nōnunquam & filiginem, eradicatis magno labore saltibus, quorum & cineribus stercorationis vice vtūtur. nec verò terra vltra triēnium sationi sufficit, quo exhausta omnino ad annos xxvii. aut eò amplius inanis manet, vt vires resumat, quo temporis interuallo priorem rursus induit faciem, & denuò idem resumendus labor, vt ad semētem præparetur. Triticum ferre requirit, atque ea de causa ipsi regionem tritici feracem sua lingua *Le blanc país* nuncupant. Habet multis in locis fodinas ferri, ac carbonis lapidei, quo fabri præcipuè in officinis vtuntur, quemque sub Alberto primū antistite qui Leodiensium erat xxxv. & anno cīccxcix. diem obiit, à fabro pauperculo monstratum refert Placentius, lingua vulgari *Houille* vocant. De fontibus acidis iam diximus in descriptione pagi Spa. Sunt certè in his locis plurimi, vt sapore vario, ita diuersa, vt ipsi asserunt, natura, sed tamen ferrugineum quiddam referentes omnes. Nam quod pagi illius incolæ conantur persuadere, fontes suos ab auri venis saporem, quem habent, obtinere, atque nonnunquam ad montem quendam iuxta pagum eundem cerni exhalationes è terra quibus silices minutulis quasi auri guttis inficiantur: ob hoc dictum existimamus, vt suorum fontium quàm maxima sit apud exteros commendatio, ac eorum maiore frequētia celebrentur. Sunt his in locis homines paruo viuentes, & laboriosi, salubri sanè corpore, & longevi, ita vt centesimum annum attingisse, non sit rari apud eos exempli. probitas est vt eorum, qui suo contenti, ac vt non multum suos excedunt fines, ita nec aliarum nationum delitias expetere videantur. Sed ad susceptum iter reuertamur. Arlunium loco est eminēti omnino,

nino, quem tamē montem dicere nequeas, ascendit ab omni parte æquali cliuo. Incendia iam aliquoties pertulit, quo casu effectum, vt maiorum ædificiorum ruina, supra reliquas exstantes domos, primo aspectu speciem admirandam exhibeant. vt est nonnunquā in deformatione etiam ipsa pulchritudo, & sapius casu nata varietas oculos magis detinet; quā vel arte elaboratissima opera. In oppido ipso nihil est quod admodum mirere, præter has ipsas ruinas, ad quarum fundamenta, inscriptiones antiquas plurimas, & decorum gentilium simulacra, quibus Illustrissimus Comes Petrus Ernestus Mansfeldensis fontem suū Luxemburgij decorauit, eruta narrabant, & nonnullis quoque in locis reperta antiqua numismata. De eius tamen nomine, aut antiquitate, nihil habemus, præter vulgi opinionem, æfferentis ab ara deæ Lunæ, quæ hoc in loco coleretur, nomen summis. vt reliquos item planetas peculiare suas sedes habuisse in hoc eodem Ducatu, quarum hodieq. appellationes adhuc restare. Historia Egdberti archiepiscopi Treuirensis Arralunum castellū vocat, Comitatus titulo insignē. Hinc qua Luxemburgum iter est i i i i. M. silua est alta, & supra modum amœna, in qua nobilium monialium Cœnobium, pascua, & agri fertiles, pagi aliquot, inter quos Steynefurt dictus vicus, ac tandem apparent vrbis ipsius turres & culmina. Vt primum urbem sumus ingressi; (quandoquidem & singulorum quæ nobis in hoc obuenerūt itinere, rationes tibi reddi expetis) Ioannem Moslinium, virum amœni & elegantis ingenij, qui ex familia est Philippi regis, nobis verò ob animi candorem, amicissimum, aduentum nostrū præstolātem offendimus, cui Illustrissimus Comes iniun-

xerat,

erat, ut nos ad se deduceret. in quo & paruimus, & summa excepti benivolentia, totum illum diem apud eum fuimus: quin meliore quoque noctis parte variis sermonibus, vltro citroque habitis, & de re mathematica potissimum, qua Illustriss. Comes apprime delectatur, consumpta, ibidem & pernoctauimus. Ampla autem est planities, ad quam ex vrbe qua ad Septentrionem vergit, descenditur, altis vndique incincta montibus, quorum qui recta urbem spectat, domum ipsam, quantacunque ea est, sinu quodammodo videtur excipere, sic bona eius parte ad id excisa, & prorsus adaequato siquid erat accliuē. In quo amœnitati bellè cōsultum, (quid enim tantopere oculos oblectat, ac rei cuiusque nouitas?) & effectum, ut lapides ad tantum opus non sint aliunde quærendi. Hoc sanè modò tam magna moles multis tandem operis paulatim assurgit, ipso Illustrissimo Comite singula præscribente. Sed præter cetera quæ ut pro tam magnificæ domus capto, constructa iam, aut assurgere adhuc videas, porticus in primis amplas mirabamur, quas, dum nos per singula ducit, se ad id destinasse dicebat, ut in eis responderet, quæcunque nancisci posset antiquitatis monumenta, quorum magnam iam habet copiam, ex diuersis locis, & Arlunio in primis, ut iam diximus, petitam: vnde veluti antiquitatis coloniam huc deduxisse videtur, nec vllò alio in loco Arlunium illā antiquam quærendam esse. Sunt autem maxima ex parte simulacra deorum gentilium, & epitaphia, quæ in crepidine fontis illius pulcherrimi, ac claritudinis eximie, quod dilectæ quondam coniugis Mariæ de Montmorenci memoriam sanctè conseruat, crebrò ad Mariæ fontem, (sic eum nuncupauit) aduentando: sic sunt pariter

interuallo disposita, ut liber sit ab omni parte ad singulos lapides accessus. ex his inscriptiones nonnullas, quibus temporum iniuria minus nocuerat, visum est huc referre. Sed ipsam prius inscriptionem, qua Illustriss. Princeps fontem hunc suum decorauit, audiamus.

QVISQVIS HVC ACCEDISSITE ÆSTVS
SITISVE VRGET. HIC ÆSTVM QUIETVS
VITATO. SITIM PRONVS EXTINGVITO.
AQVAM MANV HAVRITO. OS LAVATO.
AT PEDE NE TVRBATO. NVDO CORPORE
NE POLLVITO. QUIESCIENTIBVS ENIM
CARISSIMÆ VXORIS MANIBVS
TRANQVILLAM VNDAM SAGRAVIT.
MARIÆ DE NOMINE MARIÆ
FONTEM NVNCVPAVIT. ÆTERNI SVE
AMORIS TESTES. LATENTES VASTA SVE
RVPE LYPHAS ERVI. VIVO LAPIDE
CINGI. ÆTERNASQ. FLVERE IVSSIT
P. E. C. M.

Inscriptiones verò antiquæ sic se habent.

D. M. IVRCINIVS D.

RINDO ET CALEN

AGATILLVS. VXO

R. F. V. C.

D. SEXTINIO M.

SECVNDINO

CONIVGI DE

FVNCTO ET SE

VERIANO ET

SATVRO FILIS

VIVIS PRIMVLIA

SATVRNA ET SI

BI V. F.

ITINERARIUM.
A V E S E X T I
I V C V N D E
V A E S E X T I
I V C V N D E

35

MAERNIVS MARI
NVS SIBI ET CENSOR
INIAE FAVSTINAE CO
NIVGI DEEVNCTAE.

D. PENAVSIO LAGANE M.
DONI ASSE MONIMEN
VM FILI FACIENDVM DE
SVO CVRAVERVNT

D. M.
DAGVO DAC
SILLVS XEBTIO
CATOS VIVO FECI.

D. M.
ATTIANI
MEMMOLI.

ATRI ET PATRIBVS

Ex hac planitie qua in urbem primum ascenditur,
vnico omnino cliuo, pons est lapideus supra Alizun-
tem fluvium, vulgo *Alstz* / & in rupe demum alta, &
prærupta ab vtrâque parte ruinæ fornicum arcis vete-
ris, quæ Luxemburgum olim, vel, vt malunt alij, Lut-
zelbur-

zelburgum, & vrbi nomen dedisse fertur. nihil enim hoc loco fuisse tempore Othonis magni Aug. præter castellum, quod Sigifridus quidam, siue Gilbertus Ricuini Arduennensis, in historiis satis celebris, filius, cùm ab Abbate Cœnobij Sancti Maximini Treuirensis obtinuisset, eo ampliato, consensu Brunonis Ducis Lotharingæ, qui eiusdem Imp. Othonis frater erat, Comitatum Luxemburgicū instituit. Vencefflaus tandem frater Ioannis Luxemburgici ex auctoritate Caroli v. Aug. cuius erat patruus, Ducatus titulum assumpsit. Hic & ruinas videas Cœnobij vetusti quod vulgo *Munster* vocant, atq. hinc paullatim in urbem ipsam, quam recentiore nuncupant, ascenditur. Vetus enim quæ dicitur, ad huius rupis radices à sinistra, in profundissima valle, pro suburbio nunc habetur. ea enim cùm ob vndique impendentes montes præaltos, agrè defendi posset, pro ea qua nunc vtuntur oppugnationis ratione; placuit in eorum altiore, vnde plurimū noceri potuit, & vrbi & castro, oppidum id condere, quod recens, vt diximus, vocāt, mœnibus & propugnaculis egregiè munitum, vt ea nunc passim solent erigere ad excipiendos machinarum tormentariarum impetus. Quo primū id tempore conditum fuerit, nesciebant oppidani ipsi: planum ferè est, nisi quod vetus arcem illam antiquam paullum descendatur, & ædificiis lapideis satis excultum; ita tamen vt plurima adhuc restent incendiorum quæ iam aliquoties pertulit quo tempore Imp. Carolus v. Aug. cum Francorum rege Francisco i. bellum gerebat, manifestissima vestigia. Est in eo Franciscanorum Cœnobium, quod ex primis fuisse eius ordinis, ex epitaphiis, quæ in eo visuntur, volunt colligi; eius enim ea esse ætatis qua B.

Franciscus adhuc in viuis erat. Vidimus hîc post summum altare in capulo ligneo, coque aperto, corpus ipsum adhuc sat integrum Ioannis regis Bohemiæ, eius qui Luxemburgicus dicebatur, quod ex incendio veteris Cœnobij, de quo supra diximus, huc translātū ferebant. Erat hic filius Imp. Henrici $\overline{\text{v}}$ I , ac pater Imp. Caroli $\overline{\text{I}}$ v . Aug. qui anno sal. $\overline{\text{M}}$ C C X L I I X . dū Francorum regi militat aduersus Britannos, in prælio occubuit. Luxemburgo Nanceium per Mediomatricorum fines cogitabamus: sed cū morbus contagiosus diceretur toto eo tractu & in ipsa adeò Mediomatricorum vrbe grassari, atque ea de caussa in Lotharingicas vrbes non admitti qui illac transissent, necessum fuit vitatis vrbibus Nanceium recta petere, quæ hinc xvi . distat M . & idem ferè iter bis conficere, verū vt in regressu omnia diligētius expendimus, sic eius post Nanceiū suo ordine sequetur descriptio. De Lotharingia, eiusque nominis ratione suprà meminimus. eius sanè metropolis est Nanceium, oppidum non ita magnum, pulchro tamē situ: est enim loco plano, forma ferè quadrata, ac Lotharingicorū Ducum palatio clarum, quod Antonius Dux magnifico ædificio ampliavit, & hic Carolus, qui nunc rebus præest, Cenaculum adiunxit, quod vel trium mensium absoluit spatio, vt in eo Henricum Andegauensium tunc Ducem, dum is ad Polonicum regnum proficiscitur, exciperet. Factæ sunt & in eo exequiæ Claudię Valesiæ Henrici $\overline{\text{I}}$ I . Francorum regis filiæ, eiusque coniugis, nuper admodum defunctæ, more in ea familia vîtrato. Imago ipsius defunctę, viux quam simillima, regalibus induta vestibus in lecto sublimè collocata erat; ad eam quotidie manè accedebāt famulæ, ac domestici nobiliores, qui circa vi-

uam assuetierant, quasi & adhuc dominam salutaturi;
Medici etiam vt consultaturi de eius valetudine: & tē-
pore solito posita ante lectum mensa, cibi apponeban-
tur per eos, qui viuæ ministrabant, pauperibus tamen
mox absoluta cerimonia distribuendi. Et hoc XL. die-
rum spatio, quo toto etiam tempore, templa in ipsa vr-
be clausa sunt, & solita sacra omnia in hoc solo fiunt
Cenaculo, extructo ad id altari. Senatus omnis atratus
iucedit, atq. annū integrū à tripudiis & saltationibus
abstinetur. Prope palatium aedes est D. Georgij, in
qua monumentum Caroli Burgundionum Ducis, cui
hanc dicebant appendisse inscriptionem:

Carolus hoc busto Burgundæ gloria gentis

Conditur, Europæ qui fuit ante timor.

Ganda rebellatrix hoc plebs domitore, crematas

Post patriæ leges, perpete pressa iugo est.

Nec minus hunc sensit tellus Leodina cruentum,

Cum ferro & flammis vrbs populata fuit.

Monte sub Heritio Francas cum rege cohortes

In pavidam valido truserat ense fugam:

Hostibus expulsis Eduardum in regna locauit

Anglica, prima uo restituens solio.

Bella ducum, regumq., & Caesaris omnia spernens,

Totus in effuso sanguine latus erat.

Denique dum solitis fudit remerarius armis,

Atque Lotharingo cum Duce bella mouet:

Sanguineam vomuit media inter prælia vitam,

Aureaq., hostili vellera liquit humo.

Ergo triumphator longæua in secula Renatus

Palmam de tanto Principe victor habet.

O tibi, qui terras quesisti Carole, calum

Det Deus, & prætas antea pacis opes.

Nunc dic Nanceios cernens ex aethere muros,
 A clemente ferox hoste recondor ibi.
 Discite terrenis quid sit considerare rebus;
 Hic totiens victor denique victus adest.

• Aliud.

Dux iacet hic Carolus, Belgarum illa ignea virtus,
 Cui Mauors dederat bella gerenda pater:
 Quem timuit subitis animosus Gallus in armis,
 Cuique Alemannorum terga dedere Duces:
 Quisq; animum Hesperias bellis agitabat in vrbes,
 Sed subito inuerit sors truculenta viam.
 Nam cum Ranerium bello sibi prouocat hostem,
 Occubuit fuso milite stratus humi.
 Que ne tanta viri laus intestata iaceret;
 Hoc victor victi condidit ossa loco.

eCCe Leo CeCIdIt, IaM paX qVaeSIta VIgeBIt.

Corporis eius reliquias hinc transferri curauit Maria Caroli v. Aug. soror an. S. MDL. & Brugis Flandrorum sumtuosissimo componi monumento, Locus ubi oppetiit, ostenditur non procul ab ipsa vrbe ad riuulum quendam, quem vt caeso iam exercitu, fugiens parat transilire, effuso equo, ibidem & cõfossus ferunt. Crucem hic lapideam videas cû hac inscriptione Gallica in aërea lamina:

En l'an de l'incarnation,
 Mil quatrecent septante & six,
 Veille de l'apparition,
 Fut se Duc de Bourgongne occis,
 Et en bataille ici transis,
 Ou croix suis mise pour memoire,
 René Duc des Lorrains, mercis
 Pendant à-Dieu eut la victoire.

Est & paullo altiùs, vbi prælium id commissum fuit, sacellum quod Burgundionum vocant, cum iuncto cœmiterio, & tabula ærea, in qua Gallici verſi qui infrà sequuntur:

*Mil quatre cens soixante & seize aduint,
Que Charles Duc de Bourgogne ici vint,
Acompagné de soudars & gendarmes,
Cuidant Nanci surprendre à force d'armes,
Veille des Rois qu'on depart le gasteau,
Il fut occis en passant vn ruisseau.
Et la pluspart de ses hommes de guerre
Furent occis, & semés sur la terre,
Puis recueillis par le commandement
Du preux René, qui vertueusement
Obtint sur eux glorieuse victoire,
Dont les corps sont ci gisans en memoire
De ce conflict. Renee de Bourbon
Noble princesse, aiant vouloir tresbon
Femme du tresillustre Duc Antoine
Fils de René noble duc de Lorraine
A fait bastir ce cimetiere, & croix,
L'an milcinq cens avecque vingt, & trois.
Priez à Dieu, que par sa sainte grace
Aux trespassés pardon & merci face.*

Et hæc quidem de Carolo, Regis Philippi abauo, de cuius interitu multum est diuq. dubitatum, cum talem Imperatorem tot rebus gestis clarissimum, vix vquam superari posse existimarent. Sunt in hac eadem D. Georgij æde Lotharingicorum aliquot Ducum tumuli, sine inscriptionibus, vt & in aliis templis, certum enim sepultura locum non habent. Ex posterioribus tamen magna pars ad D. Francisci, quæ ad alterum est palatij

palatij latus, tumulata est, vbi dux Renatus, qui rex idē erat Siciliæ, monumentum habet magnificum : hic & dux Antonius, & Franciscus huius pater, & ipsa eius Claudia, ad cuius recentem tumulum appensæ virorum doctorum lachrymæ, & frequentes omnium ordinum gemitus, eximiam eius erga singulos pietatem tam clarè testantur, vt amissæ Principis desiderium, nec ipsa temporis longinquitate videatur emolliendum. Ad vrbs mœnia fluit Meurta dictus fluvius, qui hinc M. paullum supra arcem Condei dictam Mosellæ miscetur. Eius apud antiquos scriptores, quod quidem sciamus, nulla exstat mentio, vt nec huius ipsius vrbs. quam tamen Ptolemæi Nasium, siue Nassium, quod & in Antonini, de quo suprâ, Itinerario reperitur, non incōmodè possis existimare. Et hæc ferè sunt, quæ hoc loco notanda putauimus, nisi quem & munitiois ratio, mœnium & propugnaculorū dispositio, & armamentarium delectet, machinis bellicis omnis generis instructissimum, ad quæ facilè nobis patuit accessus, inclyti Comitris Salmenis, qui hoc tempore Duce absente toti Lotharingiæ præerat, comitate erga nos singulari, & Ioannes Scillius noster eidem Comiti, & ipsi adeò Duci, ob insignem in re geographica peritiā iuxta & diligentiam gratissimus, per singula nos deduxit, omnium & vsum commonstrās, vt est in ea professione versatissimus. Eundē & comitem habuimus ad D. Nicolai fanum, quod ad .ii. hinc est M. supra eundem Meurtam fluvium, loco plano, & fertili. Edificium est non ita vetusti operis, sed magnæ sanè molis, & structuræ altæ, luminosum omnino. Sed columnas in primis, quæ totum fastigium sustentant, mirabamur, eius altitudinis, cum gracilitatis, vt tanto oneri vix pares

iudicares. Turres habet duas à fronte, in quarum vna Caroli Lotharingici Cardinalis, qui idem Metensis erat episcopus, cuique hæc parebat ecclesia sub Prioratus, ut loquuntur, titulo, in summo culmine Symbolum: obeliscus scilicet cum hedera circumplicata, & inscriptione TE STANTE VIREBO. Asservatur in hac eade ex diui Nicolai, Myræ episcopi, quæ vrbs erat Lyciæ, ex eadem Lycia, Patera vrbe, oriundi, manu, articulus vnus, inclusus auro, gēmis multis interfecto: vnde huius primum loci nata religio, & aduenarum frequentia in eam excreuit amplitudinem, ut iam non pagum, sed urbem, & quidem totius Lotharingiæ cultissimam possis dicere, si muro clauderetur, ea est ædificiorum venustate, viarum apta dispositione, incolarū multitudine, ut nihil ultra requiri possit, sed ob mercaturam præcipuè, & omnis generis opificia commendatur, & mercatores in primis opulentos habere fertur. Hic & nos constituta peregrinationis huius meta, Nanceium reuertimur.

Nanceio egressis secundum Meurte fluminis ripam, occurrit ad montium radices pagus *Marcheuille*, cuius incolas perfidia aliquando in suum Ducem (eum historiæ Fridericum II. appellant) notatos ferebant, atque eade causa, quotiescunque cum reliquis Principis domesticis epulari contingit, panem eis inuersum apponi. Exstant ibidem rudera rotundæ turris in qua is Dux ex venatione subductus ad triennium detentus dicatur. & alia multa de eodem passim circumferuntur. Toto hoc itinere à dextris prata sunt virentia, quæ Meurta leni flumine præterlambit, aut gratis irrigat anfractibus. à lrua continui quodammodo montes, & ad eorum radices fertiles agri, ob tritici potissimum

potissimum bonitatem commendati. Multus in eis
 prouenit ebulus, quem fertilitatem dicunt portendere,
 & quidem totius antiquitatis consensu: sic enim Cato
 apud Plinium inter frumentarij soli notas primū po-
 nit Ebulum, & pyros quoque malosque siluestres enu-
 merat. Vidimus hic & sorbos, & proceras arbores quas
 sua lingua *Erable* vocant; Latinis acer est. pyrorū præ-
 terea, ac malorum ingentem copiam, ex quorum sil-
 uestribus potum sibi conficiunt, quem & limpidū fieri
 ut vinum, & integrum serè annum conservari incor-
 ruptum asserebant. Hinc ad Mosellam venit, quem
 Meurta loco plano, inter prata, paullatim accedit, &
 longo tractu æquali quasi cursu comitatur, relicta in-
 ter vtrumque alueum exigua admodum terra, donec
 tandem paullum supra Condeium arcem, quæ à dex-
 tris in rupe est, pago sibi cognomini impendens, facto
 cum Mosellæ alueo angulo acutissimo, eius & aquis
 miscetur. Ultra Mosellam sacellum est D. Euchariorum di-
 catum; ad cuius limen inscriptionem hanc (si quem ea
 mediæ ætatis elegantia delectat) excepimus ex tabula
 lapidea.

*Ex Catalonie regis prosapia Baccij & Lien-
 trudis editi sunt nobilissimi sanctiq. subscripti
 videlicet Sanctus Euchariorum, Sanctus Elighius,
 Sancta Libaria, Sancta Susanna, Sancta Memoria,
 Sancta Oda, & Sancta Gertrudis, quorum dignis
 suffragiis & gloriosis meritis cum ipsis associe-
 mur in celis.*

Pour l'amour du createur ici en cest lieu, & alentour no-
 bles barons, cheualiers, & champions de la foi de la vie eternelle
 ayans la soif, desquels le mireur & exemplaire estoit Mons^r S^r
 Euchariorum.

*Euchaire par Wäldres Sarazins, & payens estans avec l'apo-
stat Iulien vingtz deux centz par nombre sont ici mis encomb-
en l'an CCCLXII. La X^e Kalende de Mai, furent mis en ce-
ste maictz.*

**Hij felices prælibati Iuliani gladio
sunt truncati.**

A Nanceio ^{III.} circiter M. in sinistra Mosellæ ripa
pagus est vulgo *Dieulewart* dictus, & arx in rupe, ad cu-
ius pedem erumpunt gelidissimi fontes, magna aqua-
rum abundantia. Hic paullò vltèrius ad eandem Mo-
sellæ ripam vicus est exiguus *Sarpaigne*, de cuius anti-
quitate multa incolæ referebant, Oppidum olim am-
plum fuisse à Sarpignia quadā regina denominatum,
quæ & in eo regiam habuerit. Ostendunt in eius rei te-
stimonium ruinas quasdam murorum, vbi thermas
quondam fuisse volebant. nos quæ eorum figura fuis-
set non valebamus coniicere, tantum subdubitabamus
num castrorum inseruissent munitioni, cum eorū ma-
gna sit crassitudo, & foramina in eis cernantur adhuc
rotunda, & angusta, quasi ad eiaculanda missilia. hinc &
numismata antiqua erui; & hospes ad quem diuerte-
ramus nobis dedit æreum nummum C. Cæsaris Cali-
gulæ, quem se ibidem reperisse affirmabat. Exstat in
pariete domus cuiusdam rusticæ antiquū marmor, in
quo reginæ illius imaginē esse volunt. est manu omni-
no artifice scalpta imago muliebris longioribus indu-
ta vestibus, equæ insidens, quam pullus videtur lacta-
re; ipsa verò calathum, aut simile quidpiam gestat, in
quo pomorum figuram, ficubus haud absimilium, vi-
debamur dignoscere. Suspiciari sanè est ex hac scaptura
locum hunc alicuius olim nominis fuisse: sed de hoc,



ut & de aliis quamplurimis, desiderantur historiae, fabellarum verò inanium apud profanum vulgus nulum esse modum, nemini non exploratum existimamus. Hinc ad I. M. vrbs est ad utrâq. Mosellæ ripam, quas pons connectit lapideus, à quo, & arce, quæ è regione

gione eius est in alto montis vertice *Moson* dicta, vulgè *le pont à Moson* appellatur, Latine Mulipontum nouo vocabulo, vt & ipsum oppidum non ita vetus habetur, atque paullatim ob pontis commoditatem cohaussè ferunt. Nihil vidimus in eo quod antiquitatem vllam referat. Philippa Antonij Ducis, cuius supra meminimus, Geldriæ Ducis filia (vnde & Lotharingici adhuc Principes in suo clypeo Geldriæ pingunt insignia) Cœnobium hic adificauit Diuæ Claræ, & ipsa in eo postquam moniali vestitu, atque professione, aliquot annos egisset, diē clausit supremū: visiturq. eius monumentū, ad quod ipsa, in eodē vestitu ad viuū expressa. vultus ē marmore est cādīdissimo. vestis interior nigrum, superior griseū refert colorē, ipso marmore hos colores omnes ministrāte, quod & hinc nō procul excisum affirmabāt. Hinc denuō ad Mosellæ ripā, sed dexterā, secūdo flumine progredimur itinere amœno penitus nā ad flumen prata, paullō altius cāpi fertiles, ac demū mōs veluti cōtinuus, & siluæ. ad montis pedē plurimū pagi, & arces in summis iugis positæ. ad læuā fluminis, nisi quod mōtes paullō depressiores apparēt, eadem est ferē facies. In hoc itinere pagus est *Iouy* vulgo dictus. inter montiū radices, & Mosellā, vbi quantacūq. est inter mōtes vtrosque, qui ripas ambiūt distātia, aquæ ductū antiquitus fuisse, indicāt eiusdē, quæ adhuc exstāt, reliquiæ, ea figura, quali arcū hic vnū depinximus: eorū enim adhuc restant multi, suntq. ex albo lapide, in laterum formam dissecto, & nonnulli quoque eiusdem operis in aduersa ripa cernuntur. Incolæ asserēbant in eodem loco fontem hodieq. esse, quamuis hos arcus (solita inscitia) ponti inseruisse putantes, & ab hoc pago in mōtis ipsius iugo minores alios arcus fuisse di-



se dicebant, qui versus urbem Metensem quæ
 1. hinc distat M. excurrissè viderentur. Altitudo iuxta
 ripam pedum est circiter L x. Vnde cōiicere est, quan-
 ta totius operis moles fuerit, quātaq. altitudo arcuum
 qui in ipso erant fluminis alueo, quorum hodie nihil
 superest. Referebāt iidem incolæ superiorem arcuum
 partem

partē planam omnino esse, cœmento rubei cōloris intr-
ductam, & in eius medio domunculam non ita multis
abhinc annis adhuc fuisse, ab vtraq. parte patentē, quā
nos partem tecti fuisse quē tubū tegeret suspicabamur.
Hinc ipsam videre est Metensem urbē in ampla plani-
tie, quā Mosella in varios diuisus aluedis irrigat, & pars
quidem eius muros ad læuam lambit, pars & eosdem
subit, vt ciuium vsibus inseruiat, atque sic diuisim fluit
ad inferiorem vsque eorum ambitum, vbi recepto Sel-
la altero flumine, qui dexteram vrbs partem alluit, in
vnum denuò alueum colligitur. Sed situ in primis ip-
sius vrbs delectabamur: cū enim agrū latē circum-
iacentem planū habeat, eius tamen area paullū pro-
minet, vt in eo Veterum rationem in condendis vrbi-
bus agnoscas. ad summum siquidem templum multis
gradibus ascenditur, iuxta quod forum rerum vena-
lium, altiore totius areæ partē occupat, & ab eo vn-
dique versus muros paullatim descenditur, prærupto
rātum in vna parte cliuō, vbi vias duas lapidibus stra-
tas, sic dispositas videas, vt altera per alterius domo-
rum culmina excurrat. Templum Diui Stephani no-
men tenet, qui ciuitatis est patronus, pulcherrimū ve-
rò opus, si quod aliud toto hoc itinere vidimus, & sua
mole spectabile, quodque rarò accidit, omni ex parte
confirmatū. dicebatur in eo fuisse crucifixi ligneam
imaginem totam laminis aureis superinductam. Vidi-
mus labrum porphyreticum rubei coloris, magnæ ca-
pacitatis, pedes x. longitudine excedens, in quo lustra-
les aquas adseruant. Sunt & alia in hac eadem vrbe
sumtuosa templa. & multa erant in eius suburbiis, in-
ter quæ D. Arnolphi Basilica Imp. Ludouici pij Aug.
Caroli f. & filiarum aliquot Pipini regis sepultura ce-
lebris.

lebris. Omnia hæc absumsit belli rabies, ita vt suburbij ne vestigium quidem nunc superfit, neque vltra muros quidquam præter campestria videas. Antiquorum hanc esse Diuodurum Mediomatricorum oppidum, vt est apud Corn. Tacitum, existimamus, cū toto hoc tractu nullum aliud restet, quod æquè antiquitatē referat, quòdve ad veterum descriptiones melius conueniat. & fuit hoc sanè singulis temporibus celebre, ipsique Treuitorum vrbi quodammodo æquale, vt Ammianus quoque Marcellinus qui scripsit tempore Valentiniani & Valētis augg. vbi Galliam describit, vtrūque eadem dignitate in Belgica prima cōstituit, & hoc quidem Mediomatricos, illud Treuiros, domicilium Principum clarum, (vt de oppido ipso eum loqui, non de populo constet) nominat; iam tum propriis locorum nominibus ex vsu communi euanescentibus, vt oppida ipsa populorum nominibus appellarentur. Sic quæ apud Cæsarem vrbium nomina Durocortorum, Bratuspantium, Lutetia, & alia multa in vsu esse desierunt, manentibus populorum appellationibus, Remi, Parisij, Bellouaci, ipsis locis attributis. Exstat tamen Diuoduri appellatio apud Ptolemæum & Tacitum, item & in prouinciarum Itinerario, cuius iam aliquoties meminimus. Sed antequam Mediomatricorū vrbe, hodieque celeberrima, excedamus, placet inscriptionem antiquam huc referre, quam in ædibus Ioannis Daubri argentarij ex basi quadrilatera, quam inter rudera portæ publicæ erutam dicebat, excepimus: eius itaque singulæ facies hæc habent verba, à prima quæ videbatur sinistrorsum legendo:

1.

I. O. M.
 IN HONOR
 DOMVS DIVI
 NAE VICVS HO
 NORIS PVBLICE
 POSVER. HI QVI
 INFRASCRIBTI S^VN⁻
 CVRA EORVM .T. IVL
 ADIVTOR'S. MPAVLL'
 MARTIAL'S.P. DONNA
 XI.

2.

Q. GIAMIVS
 BELLVS ET
 COMMVNIS
 GIAMI FIL'
 ELVORIX
 VARICILLIF.
 MELVSCINTVS
 M. I. F.

3.

M. MACIRIVS
 TRECTVS MANI
 PRETIUM DONAVI
 ERENTINVS ET
 PEREGRINVS IL
 LANVISSAE FIL'
 GAIVS GERM. CO
 ROBVS. SEX ELV
 IVS. CLEMENS.

P. AT-

4.

P. A T T I V S
A N T I G V S
L. V E T T I V S
D E R C O I E
D V S. M. V E T
T I V S M E R
C A T O R.

Mosella Sellæ aquis auctior per plana fuit versus Theodonis villam, sic eam Regino Prumienſis, & eius ætatis ſcriptores appellant, Gallis *Thionville*, iſſis, Germanicè autem loquuntur, *Dittenhoſſen* dictam. Oppidulum eſt munitum, & belli cladibus notum. De eius origine nobis nihil cõſtat. Si quis vernaculum eius nomen attendat, ſuſpicari poſſet ab eodem Theodone denominatum (quiſquis tandem ille fuerit) à quo & rhons, Luxemburgo non procul, der *Dittelberg* dictus. quod enim Latinis Theo, id apud Germanos ferè in *Dith*/aut *Thit* commutatur, ut videre eſt in *Theodorus* & *Theobaldus*, quæ ipſi in *Ditzhick* / & *Thibald* commutant. Eſt autem mons ille non ita altus & ab omni parte ſenſim acclivis, in quo oppidum olim fuiſſe aſſerunt. erui enim quotidie ædificiorum rudera, multa etiam antiqui operis, & in agrorum diſtinctionibus, adhuc in uſu eſſe appellationes, quibus urbium, regiones, & partes designantur. Tilmannus Stella putat Auguſtam Romandorum fuiſſe: convenire enim adamiſſim huius loci ſitum, cum Cl. Ptolemæi deſcriptione. In quo fortasſe propius rem attingit, quàm qui eius loco Luxemburgum ipſam reponunt, cùm ea nec ſit ita vetus, ut poſſit ad eam antiquitatem referri, ac de

eius constet initiis. Nos verò eam Augustam quam eandem Veromanduorum dici videmus, in ipsis potius Veromanduis non procul Diui Quintini phano constituendam iudicamus. Ad hanc eandem sinistram Mosellæ ripam multi sunt pagi, ditionis Luxemburgicæ omnes, ut qui ad alteram Lotharingici ferè sunt Ducatus. hic & Sierck vulgo dictum oppidulū, & arx contra montem. hic enim Mosella paulatim aliam induit faciem, attollentibus se ab utraque parte ripis, donec iam excelsi sint montes, nec humilioribus ferè est ripis ad ipsum usque ostium quo in Rhenum intrat. Est aliud paullo inferius Luxemburgicū oppidulū ad læuā, Grassen Machern dictū, & pagus Wasserbillich/ ubi Sura fluvius (sic enim ab Ausonio appellatur, vulgo Saur) Mosellæ confunditur, & sua habet ad ipsum ostium vineta. hinc non procul in eademq. ripa pagus est Egel vulgo nominatus, ubi in loco eminēti spectatur nobilissimū illud venerandæ antiquitatis monimentum, quo nec cis Alpes insignius aliud exstare existimamus, quodque ipsis adeo Italici possimus ostentare. Moles est lapidea, ex quadrata base pedum XII . sensim assurgens ad pedum circiter LXXIV . altitudinem, tota ab omni parte variis imaginibus semiplanis insculpta; in fastigio aquilæ restat fragmentum, globo insidentis, cui expansæ alæ & ante pectus velum fuisse apparet. Prima fronte tres ostendit imagines itidem semiplanas, procerioris staturæ, & quidem quæ ad dextram viri, sinistra mulieris esse videtur; dextras iungunt; media ob vetustatem agrè potest dignosci. Has nonnulli Fidijs simulacrum quale & Romæ etiamnum exstet, constituere existimarūt; nos & fidē coniugalem, & eos ipsos, in quorū memoriam sit positum hoc monumen-



D. T. SEC V

M

N. L. S. E. C. V. N. D. I. N. I. S. E. C. V. R. I. L. T. P. V. B. L. I. A. E. P. A.
 G. A. E. C. O. N. I. V. G. I. S. E. C. V. N. D. I. N. I. A. N. T. I. N. I. E. T. L. S. A. C.
 C. I. O. M. O. D. E. S. T. O. E. T. M. O. D. E. S. T. I. O. M. A. C. E. D. O. N. I. F. I. L. I. O. E. T.
 I. V. S. I. V. S. E. C. V. N. D. I. N. I. S. A. V. E. N. T. I. N. V. S. E. T. S. E. C. V. N. D. I.
 I. C. V. R. V. S. P. A. R. E. N. T. I. B. V. S. D. E. F. V. N. C. T. I. S. E. T.
 V. I. V. I. V. T. A. E. E. P. E. E. R. V. N. T.





numentum, quorumque in inscriptione fiat mentio, repræsentare suspicabamur. Sunt supra earum capita tres itidem facies, ex plano circulari prominentes, quæ & fortasse vultus referebant. Ad pedes inscriptio, cuius quàm accuratè fieri potuit, reliquias hîc molis ipsius picturæ subiecimus. Ex quibus sanè verbis pater, nihil aliud hoc, quàm epitaphiū esse, qualia etiamnū multa B exstāt, & hic vnū è multis, quod Romæ hodieq. visitur, in inscriptione et scalptura multū congruēs, visum est adiungere. Sub inscriptione ad basim imago est legētis ex pulpito, & auscultantiū turba. In superiore limbo minores imagines cernas, & in medio quidē quatuor epulantium, more antiquorum, duæ enim accumbunt; qui mos virorum erat: & mensæ assident aliæ duæ, vt mulieres solebant. ad dextram ministri, quorum alter de abaco pocula sumere, alter infundere videtur, ad sinistram alius edulia parare. Et hæc ferè quæ in frontispicio dignosci possunt, qua moles viam publicam spectat. à tergo circulus est, cum figuris quibusdam, & in quatuor angulis ventorum capita. in eius medio bigæ, & viri imago barbati, quiddam gestantis parazonio haud absimile. ad dextrum latus, inferius quidem, trigarum vestigia apparent, currum trahentiū, & complicatas sarcinas mercatorū more. pars superior bigas habet, & carpentum, in quo duo sedentes. reliquas imagines sic attriuit tempus, vt earum ferè nihil emineat. Est hæc moles loco, vt diximus, benè cōspicuo, in agroque quadrato, quem & huic monumento attributum, vt veterum erat circa sepulturas consuetudo, iudicabamus, quo iure etiam hoc tempore manet, nec ad vsus alios occupatur. Infra hunc locum in aduersa tamen ripa, ostium est Sarani, vt Ausonio dicitur, qui

& Sarra, fluminis, & pons lapideus supra eundem fluvium à Mosella non procul, qui à pago vicino, *Suntz/die Sultzberg* dicitur, arcibus amplitudinis admirandæ spectabilis; quorum qui in medio ad fluminis alueum, omnium est altissimus, rum latissimus, reliqui ad latera sensim humiliores: quo & ipsa pontis superficies ad utramque ripam paulatim procumbit, & operis firmitudini egregiè prouisum; ut in eo veterum artificum magistras manus agnoscas. ad utramq. eius partem sunt speculæ, Tenebrarum excubias; huius meminit & Ausonius in delicatissimo illo carmine, quo hunc ipsum Mosellam celebrat, his verbis:

*Tuq; per obliqui fauces vexare Sarani
Qua bis terna fremunt scopulosi ostia pilis,
Cum defluxisti fama maioris in amnem,
Liberior laxos exerceas Barbe natatus.*


Fluminis huius & denuò meminit in hoc eodè carmine, ne quis de eius ambigat nomine:

*Nauiger vndifona dudum me mole Saranus
Torta veste vocat, longum qui distulit amnem,
Fessa sub Augustis ut volueret ostia muris.*

Ceterùm hic locus ob piscationē summopere commendatur: hic Sturiones ut nunc vocantur, qui ab Ausonio Siluri dici videntur, vasto corpore magna admodum copia captantur; Salmones, alautæ: & præter reliqua piscium genera, quæ luculenter ille, ut omnia, decantat; piscem quem vulgo *Platcis*/ Ausonius idem in carmine quodam ad Theonem, plateßam videtur nominare, qui omnino marinus piscis est, hic ibidem aliquando captum referebant nautæ; tantamque esse in hoc amne piscium omnigenum fœturam, ut cum nullo alio conferendus videatur. De hoc Sarra flu-

minis,

minis, & Moselle confluyente, intelligenda volunt nonnulli Suetonij verba in C. Cæsare Caligula, vbi de ipsius agit Imperatoris natalibus: Plinius, inquit, Secundus in Treuiris vico Ambiatico supra confluentes genitum scribit. Pagam sanè Ambitium reperimus in diplomate quodam Pepini regis; in alio item Imp. Caroli magni, Aug. eius filij, eiusdem ferè tenoris, in quibus inter reliquas donationes factas Cœnobio Diui Maximini Treurenensis, enumerant ecclesiam Sancti Martini in pago Ambitio constructam. verùm vbi hæc sit ecclesia, vel pagus, quanquam de eo diligenter percunctati, hætenus non potuimus resciscere. Sed ad propositum iter reuertamur. A Sarauio ostio ipsam Treuironum urbem accedentibus, primum occurrit Diui Mathiæ Cœnobium, in cuius cœmeterio, multæ sunt cryptæ, & in eis Diuorum tumuli. ad vnius earum caput inscriptionem hanc antiquam excepimus, ab



utroque latere huius inscriptionis adsculpti sunt duo Genij alati. Est in hoc eodem cœmeterio statua mulieris, iacentis vt fluminum Nymphæ fingi solebant, ac sine capite ex marmore candidissimo.

Sed longè pulcherrim⁹ est vrbs ipsius aspectus, quicq̃

adeo, quæ eius olim fuerit claritudo, manifestò arguat, si quis secundo flumine eam accedat. Hic enim ut Mosella primum sinuosum annem reflectit, urbem recta periturus, aduersa sese fronte effert, ante eius muros moles alta antiqui operis, in quam ut oculorum aciem intendimus, fornicem quondam fuisse, siue arcum triumphalem iudicamus, & in mentem venire Ausoniani versus in Mosella:

- Nec premia in vndis

Solat, sed Augusta veniens quod mœnibus vrbis

Spectavit iunctos, natiq; patrisq; triumphos.

Hostibus exactis Nicrum super, & Lupodunum

Et fontem Latius ignotum annalibus Histri.

Loquitur autem de Valentiniano Aug. eiusque filio Gratiano, quos aliquoties Germanos fuisse, & longius à Rheno submouisse, eiusque limitem, ut & Danubij, pacasse, legimus. Huius verò fornicis reliquias, ut nunc exstant, placuit hîc oculis subiicere.

Est post hanc molem, & altera, ruinosa penitus, quænum & fornix alter fuerit, ut omnia quadrent Ausonianis verbis, non valuimus dignoscere. Oppidani, solita inscitia, molem utramque turres veteres nominant. Urbs verò ipsa situ est plano, latus sinistrum claudit Mosella, portus crepidinem leniter adlabens; ad alteram ripam mons est præruptus, & unica omnino ad eius pedem via; hanc vrbi connectit pons lapideus, in quo fornicum amplitudinem, & fundamenta in primis lapidibus magnitudinis inusitatæ aggesta mirabamur; siquidem ea propter fluminis humilitatem qualem se multis retro annis nec vidisse meminerant, altè spectabantur, & Romanorum quidè id opus iudicabamus. Ad arcum commissuras columnarum



lumnæ sunt semiquadratæ ex singulis lapidibus altero alteri supraposito, quæ paullum exstant supra pontis marginem; in his deorum olim fuisse simulacra referabant. Pontis hoc loco supra Mosellam mentionem facit Corn. Tacitus lib. *IV.* ab excess. Neronis, qui ultiora Colonie annecteret. Spectat hoc latus urbis quod ad Mosellam, occidentē ferè Solem, aut Corum ventum. ad dextram, collem habet sensim accliuem, totumque vitibus consitum, cuius & partem mœnibus olim inclusam fuisse indicant Ausonij versus, hunc eundem situm delineantes:

Lata per extentum procurrunt mœnia collem;

Largu tranquillo praelabitur amne Mosella.

Restant adhuc in eodemque colle ædificiorum rudera, & subterranei meatus, opere latericio incrustati, & pagus ibidem *Leui* dictus; eodem hodieque iure vititur, quo Treuirenses ciues. profuit hinc riuulus, qui urbem perluit, quem sua lingua *Leuibach* / Latine Oleniam nominant. Et hæc quidem ad latera, quibus ad Orientem, & Occasum, ut diximus, vergit; quadrata est enim ferè hoc tempore, nisi quod secundum Mosellæ ripam paulo sit extensior, & tota quidem muro non contemnendo cingitur. Qua verò ad Austrum spectat, moles est illa antiqua de qua mox diximus, & paullo altius D. Mathiæ cœnobium, & facella aliquot. Ad Aquilonem ultra murum, porta est altera, quam campestre vel sua lingua *Feldspore* vocant, ad quam urbis mœnia, ante Hunnicam depopulationem pettruisse asserunt. Intra hanc portam, & ipsa quæ urbem nunc ambiunt mœnia, cœnobia sunt D. Paulini, & D. Maximini, magnæ molis vtrumque, sed Maximini nobile in primis, & opulentum, quodque

que foundationem suam refert ad Imp. Constantinum
Max. eiusque matrem F. L. Helenam Constantij aug.
sed nunc incendio deformatum est, nec patiuntur Tre-
uiri, ut instauretur, cum tam prope muros sit, ne tempore
belli receptaculum hosti præbeat. ex murorum certè, colu-
narumq. fragmentis iudicare est, quàm splendidum olim
fuerit. dicitur ipsam Archiepiscopalem sedem opulentia
quondam equauisse. D. Paulini ædes adhuc est integra, &
in ea hinc inde multæ restant inscriptiones antiquæ aut
mediæ ætatis, unde & has quæ sequuntur excepimus:

D. M.

AELIAE QVA
DRATILLAE
FILIAE INNO
CENTISSIMAE.

HIC QUIESCIT
VRSATIVS VS
TIARIVS QUI VI
XIT ANI^{VI} CVI
EXSVPERIVS FI
LIVS ET TVIVM POSV

P

HOL. E. SCVRIV DŌ DILECTI
TREVROꝝ ARCHEPI MODŌA
D CVI SLIÆ XPO DEVOT' REX
DAGOBERT' SIV IPLEPTO EP
DE ELLA REVERENSI TNET
VERBIS MAGNIFICAVIT TERA
RENŪ. LFLVV LIGERĪ REBVS
MAGNIFICE DITAVIT,

H·IACE·ELV C̄SANCV
 V̄ C̄YLARIS·COMES, E
 MGIST VTRIV Q:
 MILEE·AQ: PARICIV·E
 SĒDO L̄VL Q̄DNARIVS,

ΕΝΘΑ ΚΕΤΕΕΥΣΕΒΙΑ ΕΝΕΙΡ
 ΙΝΙΟΥ ΚΑΙ ΕΡΟΟΚ ΜΗΤΑΠΩΚ
 ΩΜΗΣΑ ΔΔΑΝΩΝ ΖΗΣΑ
 ΜΙΚΡΟΠΡΟΣΕΤΩΝΙ ΕΥΙΠΑΤ
 ΙΑΟΝΩΡΙΟΥ ΟΥΚΑΙΚΩΣ ΤΟΝΙ
 ΝΟΥ ΤΟ ΑΜΗΝ ΙΠΑΝΗΜΟΥ
 ΙΒΗΜΕΡΑ ΚΙ Β ΕΝΕΙΡΙΝΗ

ΕΝΘΑ ΔΕΚΙΤΕ ΕΝΗΡ
 ΗΝΕΚΑΚΙΑΝ ΟΣ Α^PΙ
 ΒΕΔΣΙΜΙΟΥ ΑΠΟΙΩ
 ΑΔΔΑΝΩΝ ΖΗΣΑ
 ΑΣΝΚΡΟΠ ΛΟΥΣΕΤΗΚΒ

ⲡ

Diaconus huius ædis referebat, hunc locum Campum Martium olim dictum fuisse, quo etiam nomine in historiis passim occurrere. proximum item collem vitiferum Martis eiusdem, ut alterum huic oppositum Apollinis nominibus insignitos, quorum & restarent in vulgari appellatione vestigia. Hanc verò ædem Diuæ primū Genitrici dicatā fuisse, postea Diuo Paulino, trāsata Diuæ Virginis sede ad Mosellę ripam, vbi & adhuc est in hoc eodem pomœrio. In ipsa iam vrbe sunt & templā multa, & admodum insignia, mediam tamen ætatem referentia, ut ea quæ Colonia Agrippinensium, & Aquisgrani. tale est & ipsum summum templum, quod vernaculo sono *Dom*, quasi à domo vel à domino appellant, Diuo Petro Apostolo, ciuitatis patrono, consecratū. Nisi cui fortasse Diui Simeonis ædes videatur antiquior, & Romana quodammodo tempora referre. Collis iugum occupat, qui vnicus est in hac vrbe, forma quadrilatera, oblonga, tota ex lapidibus subcinericei coloris, & quidem magnitudinis ita stupendæ, ut vix credatur, hominum manibus potuisse eò aduolui, vsque eò ut apud imperitum vulgus fabella locum inuenerit, Cacodæmonis vsum auxilio, qui eam ædificauit, cui quidem persuasisset se Lupanar & aleatorum mensas ponere, sic, inquit, aras vocabat, & pro argumento ostendunt aras, quarum superficies non recta ut reliquarum sed deorsum spectat, & appensum muro cornu quoddam, ut videtur, quod Cacodæmonis vocant vnguem; eum scilicet, vbi se circumuentum sensit, impetu in aras facto, vnguem conregisse. atque eiusmodi ferè narratiunculæ proferuntur, quotiescunque opus aliquod humanum videtur captum excedere. Tres habet hac ædes concamerationes,

nes, sibi inuicem suprapositas, in quarum singulis sacra
 facit diuersi ordinis clerus. Facies exterior ex terno est
 fenestrarum ordine; inter columnellas semitotundas;
 ex eodem omnia lapide, præterquã ad chori (vt nunc
 loquuntur) ambitum, vbi & columnellæ sunt mar-
 moreæ. Moles est admiranda, cui in tota hac Gallia no-
 stra nec parem aliam superesse existimamus. atq. vni-
 cum fortasse ædificium hoc fuit, quod operis eximia
 soliditas, à tot cladibus, quibus hac vrbs ab exteris
 nationibus, Hunnis, Francis, Normannis vastata est,
 vindicauit, cum reliqua in fauillas abiisse videamus;
 nec ex antiqua illa Treueri, Principũ domicilio, quid-
 quam restare, præter columnatum & marmorum frag-
 mina, hinc inde dispersa, & rudera sub terras, quæ sub-
 inde veteris eius splendoris admonent. Ex Theatro;
 cuius scriptores sæpius meminerunt, reliquum esse vi-
 detur fragmentum illud operis latericij, cæmento su-
 perinductum, & fenestris grandioribus plenum, eo
 loco, vbi nunc domus est Archiepiscopalis; quod op-
 pidani ex Constantini Max. aug. volunt esse palatio.
 Exstant eiusdem prorsus operis aliæ ruinæ ad portam
 quandam, de quibus ipsi varia referunt, quorum fides
 apud eos sit; vt & eorum quæ de Trebeta suo condito-
 re, Nini Assyriorum regis filio, huc profugo circumfe-
 runt, & de Idolorum templo, ac Mercurij ferrea ima-
 gine. de qua tamen placet hinc verba ex eorum anna-
 libus manuscriptis desumta referre; quæ rem ita as-
 seuerant, vt nihil ad faciendam fidem requiri vltra
 posse videatur. Sic enim postquam de templo ipso fe-
 cit mentionem, quisquis eorum auctor fuerit: Hu-
 ius in vestibulo (inquit) ex lapide quadro insignis
 arcus exurgens habet ferream Mercurij imaginem,
 (dictu

(dictu mirabile) in aëre pendentem. seorsum autem Iouem marmoreum, scutellam auream manibus tenentem, cui tus immissum redolebat in naribus circumstantium, tanquam si igni immitteret, nec tamen vrebatur. Quod ne fortè nostris dictum verbis, tanquam à nobis confictum credere quis detrectet, non nos, sed potius audiat Galbam Viatorem, Licinio Sophistæ, hoc ipsum inter cetera rerum stupendarum quas viderat & audierat, his verbis contestantem. Sic enim ait: Audi præterea quod mireris: Treueris est ciuitas Galliæ nobilis, vbi Sencio quidam, cuius hospitio vsus sum per duodecim dies, in suburbio ciuitatis ferream effigiem Mercurij volantis, magni ponderis ostendit in aëre pendentem. Erat autem magnes, vt hospes idem mihi ostendit, suprà in fornice, itemq. in pauimëto, quotû naturalis vis è regione sibi ferrû alciuit, sicque ferrum ingens, quasi dubitans in aëre remansit. Vidi etiã in eadem vrbe, ingentem è pretioso marmore Iouem, scutellam auream duorum pedum latitudinis tenentem, vbi hoc inerat scriptum:

IOVI VINDICI TREBERORVM

EX CASV QVINOVE CIVITATVM RHENI PER
TRIA DECENNIA DENEGATO SED FVLGINE
ET CÆLESTI TERRORÈ EXTORTO

FACTVM ARTE MECHANICA.

Nam tus quasi prunis impositû redolet si immiseris, nec tamen deficit, quod ita probauisse. Hæc ille. Sed antequã reliqua exsequamur, non alienum erit expolitoribus quoq; Historiis de Treuiris aliquid repetere. Idẽ C. Cæsar de quo iam sæpius, Treuironum gentem omnium Belgarum potentissimam iuxta & bellicosissimam facit, ac propter vicinitatem Germaniæ
quoti-

quotidianis exercitatum bellis, quæ equitatu valeret plurimum, & copias quoque haberet pedestres, quare reliqua penè Gallia pacata ipsi nec imperata faciebant, nec ad concilium veniebant, nisi armis coacti, & nouis subinde studebant rebus, cùm magnas haberent clientelas, Eburonum, & Condrusonum, & latissimos fines. Siquidem ad Rhenum ab vna parte pertingebant, ab altera ad Neruios vsque, Menapios, & Mediomatricos. Eorum verò oppidum nullum nominat: Tacitus Coloniam Treuiorum appellat hanc ipsam urbem, de qua nunc loquimur: eandem Mela, Ptolemæus, & Aufonius postea, Augustam Treuiorum; hic verò & Treuerim nominauit, & eiusdem subinde meminerunt subsequētis ætatis historiæ, Metropolim eam Belgicæ primæ facientes, in qua præfideret vir consularis, qualis erat & ille Ælius Constantius, cuius epitaphium suprâ posuimus, quod ineptè nonnulli, ad D. Constantium aug. Constantini Max. patrem referunt. In hac vrbe fabrica olim erat Scutaria, & Balistaria. Meminit & libellus dignitatum, & administrationum, qui sub posteriorib. Impp. confectus videtur, Procuratoris monetæ Treuiorum, & Procuratoris Gynæcei Belgicæ primæ, itē præpositi Argentariorum. & de moneta quidē fidē faciunt creberrimæ in posteriorum Impp. nummis argēteis & æreis notulæ P. T. R. P. T. R. E. T. T. R. T. R. S. T. R. P. S. quæ pecuniam Treniris signatam innuunt, eadem ratione qua & P. L. V. G. pecuniam Lugdunensem, & A. Q. P. S. Aquileiæ pecuniā signatā, reliquasq. in eiusmodi nummis notulas cōmodè possis interpretari. hinc & in lapidib. III. virorum monetæ Triuericæ mentio. Manifesta sanè indicia, quantum hæc ciuitas belli olim studiis

diis floruerit, ipsi quodammodo Romæ orbis domina-
 tis Alpes secunda, cum qua & suam passa est ab exte-
 ris nationibus vicissitudinem, cui obnoxia sunt in hac
 terum vniuersitate omnia; ita tamen vt nec veteres
 animos deposuerit, nec facile de sua libertate quid-
 quam delibari patiatur. Quod & nuper admodum ex-
 pertus est eorum episcopus, cui cum lōga fuisset cum
 ciuibus de ciuitatis iure controuersia, res tandem ad
 arma deuenit, & castra ante urbem in aduerso ad Mo-
 sellam monte posuit. illi se acriter defendere: sed
 principum interuentu, causam ad summum Imperij
 Romani Senatum detulerunt. Hinc secundo Mosellæ
 flumine nauigantibus ad medium ferè M. oppidulum
 est, & arx vulgo Pfaltz/ quasi palatium dicas, in sini-
 stra ripa. in dextra $\overline{\text{II}}$. circiter M. pagus Neol/ loco
 alto ad lapidis iactum à ripa, montibus ferè circum-
 ductus, in quo arcem nō ita multis abhinc annis ædi-
 ficatam, *Rigelburg*/ nominarunt, veteris nominis me-
 moriā hac appellatione vtcunq. renouantes: veteribus
 liquidē Rigodulū erat, & oppidū vbi Cerialis tempo-
 re Vespasiani Imperatoris (vt est apud Corn. Tacitum)
 Valentinu Treuirensē fudit. Oppidū expressè vocat
 Ammianus Marcellinus. Sed cum in eius descriptio-
 ne ac situ videātur hi scriptores nō nihil variare, nō ex-
 tra propositum fortè sit vtriusque verba expendere.
 Taciti libr. $\overline{\text{IV}}$. ab excessu Neron. hæc sunt. Eo ra-
 pidius Cerialis missis in Mediomatricos, qui bre-
 uiori itinere legiones in hostem verterent, contracto
 quod erat militum Maguntiaci, quantumque secum
 transexerat, tertiis castris Rigodulum venit, quem
 locum magna Treuironum manu Valentinus insede-
 rat, montibus aut Mosella amne septum, & addide-

rat fossas, obicesque saxorum. Marcellinus autem lib. xvi. Nullo itaque posthac repugnante ad recuperandam ire placuit Agrippinam, ante Cæsaris in Gallias aduentum excisam: per quos tractus, nec ciuitas vlla visitur, nec castellum, nisi quod apud Confluentes locum ita cognominatum, vbi amnis Mosella confunditur Rheno, Rigodulum oppidum est, & vna prope ipsam Coloniam turris. Quibus Marcellini verbis permoti nonnulli existimarunt Rigodulum eandem fuisse, quæ nunc Confluentia; cum disertè locum notet, vbi Mosella & Rhenus aquas iungunt. In quo tamen nec sibi ipsi satis conuenire videtur, & à Tacito diuersum sentire. Nam si Rigodulum eo situ erat, quæ nunc Confluentia, cum locum dicit montibus aut Mosella septum, nullo modo tacuisset Rheno quoque muniri, nec potuisset Cerialis (quod idem habet Tacitus) fuso hoste Rigoduli, postero mox die Coloniam Treuironum ingredi. Quantum ad Marcellinum: Iulianus Imperator, de quo scribit, Germanos tunc circa Borbetomagum deleuerat, vnde rectà Coloniam Agrippinensium properabat, quo tractu nullam neque urbem esse, neque castellum dicit: vnde colligere est eum non secundum Rheni ripam iter fecisse, ad quæ castella plurima erant, à Druso Germanico exstructa & oppida, Bonna & Antennacum, ab eodem Ammia no sapius nominata; sed altius à confluentibus Mosellam transisse, vt nec Borbetomago Coloniam pertinentibus, per confluentes, aut secundum Rheni ripam rectà est iter. Huc accedit quòd huius pagi quo loquimur, situs, tum loci natura, cum Taciti descriptione bellè conueniat, atque vel eo suam prodant antiquitatè, quòd à ripa aliquo distet spatium, ad quæ

sunt reliqui recentioris ætatis ferè omnes. Dominus eiusdem loci opinionem hanc nostram confirmavit: dicens, idem Rigoduli vocabulum expressè legi in ipso Regis Dagoberti autentico, quo hunc locum, cum aliis eidem vicinis ecclesiæ donat S. Maximini, & repertam aliquando sub terra viam lapidibus grandioribus stratam, quæ versus Mosellam excurreret; ita vt posthac de Rigoduli situ, aut nomine non videatur ambigendum: vel si quis anxie adhuc Marcelini verba vrgeat, diuersa eiusdem nominis loca fuisse, sit statuendum. Hinc Mosella per magnos anfractus, ita vt ad eundem ferè locum aliquoties reuertatur, vnico interueniente inter vtrumque fluentem monte, leni omnino agmine labitur, inter mōtes, ab radice, ad summitatē vsq. vitibus vestitos; sunt enim nō ita prærupti, quin facilis sit colonis ascensus ad supportanda quæ ad vineta requiruntur; nec ita alti, vt alter alteri solem præripiat, adiuvantibus ad hanc rem ipsis anfractibus, per quos Solis radij viam reperientes, grata vicissitudine montes ad vtramque ripam statis temporibus illustrant. Sunt verò in altioribus montium iugis, & pineta; & aptus sementi locus. Ad ipsam etiam ripam, (ne quid hac in parte desideretur) inter fluminis alueum, & vineta, sicubi colles longius recedunt, prata sunt spectatissimè virentia, vbi videre est armenta pascentia, quibus & adueniente æstu facilis est ad aquam descensus, iuuatque tota prospectare armenta in ipso flumine ad pectus vsque frigus captantia. Quin & vsque eò humanis natura rebus circa hoc flumen consuluit, vt multis in locis, vbi altera ripa montem habet aut collem paullo arduum, altera omnino sit accliuis, qua demum ratione vinetis integer

est suus sol, & ad pastionem locus relinquitur commodissimus. Iam si qua planities à flumine paulo est altior, frumento serendo deligitur, prouenitque in ea magna admodum copia. Neumagum pagus vulgo Neumagen/ vetus adhuc nomen retinet, quod est apud Aufonium in Mosella:

Neumagum Diui castra inclyta Constantini,

Purior hic campis aër, Phœbusq; sereno

Lumine purpureum referat iam sudus Olympum.

Sed hîc repetendi sunt & hi Aufonij eiusdem in eodemque Mosella versus:

Addam praesidiis dubiarum condita rerum,

Sed modò securus, non castra, sed horrea, Belgis.

Nam & hoc loco nihil præter horrea nunc videas. Sunt & alia hoc tractu oppida non contemnenda. Bergcastel à dextris, ac paullo inferius Drabach/ vbi vina laudatissima, ac nigri effodiuntur lapides, fissiles, ad domorum tecta; & Entsch pagus, cuius agrum ad vini dolia M M M. eorum quæ sua lingua Süder vocant, annuatim reddere asserebant. Hinc Rotheim oppidum ad alteram ripam, ac paullo inferius, in eodemque latere oppidum aliud Karll vulgo nominatum, à quo ripæ paullatim fiunt humiliores, & ab utraq. parte longius recedunt, ita vt ad confluentes latitudine sit Rheno ferè pari. Urbium quæ ad Mosellam, postrema est Confluentia ad ipsum fluminis marginem sita, vbi Rheno miscetur, & fruitur vtriusque amnis longè maxima amœnitate iuxtà & commoditate, vnde & eo in primis nomine delectatur. Dono accessisse volunt Ecclesiæ Treuirensi sub Medoaldo Archiepiscopo, cuius mentionem facit inscriptio illa, quam suprà in Treuiris posuimus. vnde & liquet tem-

pore hunc Dagoberti regis vixisse, qui annus erat ab
 instaurata salute circiter DCXXXI. Asserebant etiam Di-
 ploma ipsum, Cortem Confluentinam appellare, &
 donari vnà cum circumiacente agro, & siluis. Cortis
 verò nomine accipi, quidquid muro veteri, qui hodieq.
 exstat, includitur, intra quem forum rerum venalium,
 & primum templum. eundemq. Medoaldum noua
 mœnia quo nunc sunt ambitu vrbi circundedis-
 se. Pon-
 tem supra Mosellam, operis lapidei, præcipuum eius
 ornamentum ædificauit Baldus, vel vt apud alios est,
 Balduinus Archiepiscopus ann. MCCCXLIV. Idem
 Carthusianorum monasteriũ in summo monte extru-
 xit in huius pomœrio. Impendit in aduersa Rheni ri-
 pa arx minutissima, quæ veteri nomine *Erenbzeitstein*/
 recentiore *Hermanstein* ab Hermanno archiepiscopo,
 qui eam ampliari, appellata. In proxima rupe arx erat
Helsenstein/ antiqui, & clari nominis, cuius tantum su-
 per sunt ruinae, potèntioris scilicet vicinitate sensim dif-
 fluètes, ac vix suũ nomen tuentur. Instabat iã nun-
 dinarum tempus, quæ Francfordiæ, quæ ad Mœnum
 fluuium est, magno totius Germaniæ conuentu fre-
 quenteantur, quò etiã properandum videbatur, aduer-
 so Rheni flumine. quĩ tractus, vt omnium est celeberrimus,
 fuitq. semper, quantamcunq. vetustatẽ ferant
 singularum nationum historiẽ: ita eum leuiter attinge-
 re, aut ex parte describere indecens iudicauimus, at po-
 rius finẽ aliquando huic narrationi imponere. Hæc si
 tibi, Mercator, aliqua ex parte probabuntur, opere præ-
 tiũ erit nos effecisse quod volebamus: sin minus, mo-
 rem tamen gessisse non mediocriter iuuabit. Vale.
 Antuerpia. Nonis Octobr. ann. MDLXXV.

LEODII AD D. IOANN.

EVANGELISTÆ, TABV-

LA MEMBRANA.

cuius fit mentio pag. 18.



A N N O Dominica natiuitatis millesimo septimo, quinto Idus Aprilis, obiit felicis recordationis Dominus Notgerus Episcopus Leodiensis: cuius corpus in loca retro altare translatum & inhumatum est. Qualis enim, quis & quantus ipse fuit, testantur pro parte gesta Pontificum Leodiensium, ex quibus collecta sunt quæ sequuntur. Substitutus est Eraclio quadragessimus sextus Dominus Notgerus à Sancto Gereone archiepiscopo Colonienfi sacra- rum genere quidem Alemānus & Theutonicus, ac omni morum elegantia insignitus. Ipse igitur in Sueuia natus nobilitatem generis scientia & moribus illustrauit. Notgerus monasterium Beati Lamberti longe in melius quàm antea fuerat immutauit, ecclesia enim quam beatus Hubertus edificauit, ad lapsum declinauerat, hac dicta templum sexaginta Canonicoꝝ iuxta magnificentiā dilatati cordis sui exaltauit, ornamentis diuoribus decorauit, claustrum & domoꝝ edificia renouauit. In crucibus aureis quas Notgerus in dicta ecclesia Sancti Lamberti etiam fecit, scriptum est hoc merum:

Certa salus vite Notgerum saluet vbique.

Qualiter enim presatus Notgerus ciuitatem Leodiensem, qua eo tunc parua erat, à mortifero Castrì Montiscaprimì iugo potenter & sapienter eripuit: meritis eius plenius cōmetur. Vnde quidā loquens in persona dicti Sueni sic ait:

Legia dotatur per me, Caprimons spoliatur;

Hic ruit, hæc surgit; manet hec, nec ille resurgit.

Ecclesiā parochialem Beatae Mariæ ad fontes templo B. Lamberti adiacentem & palatium domus episcopalis simul cum templo multiplicatis operariis, & magnificatis impensis à fundamentis vsque ad perfectionem confluxere fecit. Ecclesiam Sancti Pauli à fenestris supra consummauit, & bonis adiectis ubi viginti tantum erant Canonici, triginta perfecit. Rex Otho tertius bona quæ Eraclius ecclesiæ Sancti Martini contulerat tanquam præstia eidem, eo defuncto, in fiscum regium reuocauit, qua Notgerus suis meritis præclaris scuerando Regem recuperauit. Claustrum ipsius ecclesiæ in scisso colle publici montis

triplici uallo & muro cum turribus sublimibus cōmunivit. Notgerus per Robertum maioris ecclesie Prepositum procuratorē suum etiā absens ecclesiam Sancte Crucis construxit, quam claustro debite cōmunivit, ac agris, decimis & aliis bonis, quibus x v. fratribus illic Deo seruientibus victualium necessaria proueniāt, ditauit. In qua idē Robertus v l. Idus Martij sepultus est. Sed & etiā Nichardo maioris ecclesie custode administrāte predictus Notgerus in honore B. martyris Dionysij cōdidit ecclesiam, in qua primum quidem viginti delegati sunt Canonici; procedente uerō tempore decem additis in trecentarium profecerunt numerum. Deinde prefatus Notgerus ecclesiam in honore B. Ioannis Euāgeliste ex suis sumptibus à fundamētis usq. ad consummationem cōdidit. In qua x x x. Canonicos ad clericatus executionem instituit & prebendis reliquis merito, scilicet cum sanctibus B. Vincentij Leuita, & martyris, nec non Sanctorū Fabiani & Sebastiani, cōmunivit. Idemq; Notgerus iam dictam ecclesiam Sancti Ioannis bonis personis iniunxit. Nam Prepositum & Decanum de congregatione elegit custodem magistrum scholarum ac Cantorē, distributo unicuiq. officij & laborū suorū solatio, cōstituit. Altare maius manu propria consecrauit, & oratorium B. Hilarij & Remigij in dicta ecclesia cōstituit. Notgerus ecclesiam parochialem B. Adalberti edificauit, cuius baptisterij et extrema unctionis totius insule cōdidit, & in ecclesia Aquōsi destructa à Normannis xxv l l l. Canonicos instituit. Notgerus etiam Castrum Hoijenſe ecclesie Leodiensī acquiſiuit, prout priuilegiū Othonis Imperatoris id plenius testatur. Erachus fundamenta monasterij B. Laurentij iuxta muros Leodien. iecit, itaque seriatim fiebat opus, ianque ex parte surrexerant à fundamento murorum parietes. Opus itaque inceptum per Eraclium eo defuncto permansit imperfectum, donec Notgerus qui successit episcopus, equatis tamen parietibus murorum tectum superponi fecit. Mosam qui extra ciuitatem fluebat ciuitati introduxit & circa claustra Sanctorum Pauli & Ioannis ad radices montis in quo ecclesia sanctorum Martini, Laurentij, Crucis et Petri sita sunt, & circa claustra Sanctorum Lamberti & Dionysij per medium ciuitatis in cōmunes usus, ut fluminis impetus latificaret ciuitatem Dei, fluere iussit. Vnde:

Ad Lamberte tua, Dionysij, Paule, Ioannes
Notgerus claustra nandi Mose dedit amnes;
Cursu flumineo letare Legia claro.

Vix aliquid magni aut preclari operis est in ciuitate Leodien. quod ipse non fecerit aut perfecit, ut magis fecisse ciuitatem quā coluisse uideatur. Vnde in praconiū laudis sibi debita paucis ista de ipso cōprehensa sunt hoc metro:

Legia lege ligans cū sibi leges,
Notgerum Christo, Notgero cetera debes.

Fossen sem Ecclesiam condidit ac muro & turribus circumductis idem communiuit. Tuinum castrum fecit & cōmuniuit in defensionem . . . episcopalibus & protectionem Lobiensis in qua etiam abbatem eorum instituit, meritis q³ Beati Notgeri & auctoritate Imperiali Gemblacensis ecclesia vel abbatia cēsit ecclesiæ Leodiensi. In ecclesia collegiata Sancti Runkoldi Machliniensis instituit Notgerus duodecim primas prebendas. Prærogativa bonæ fidei & meritōrū constitutione principū curia fecit eum patronū puerilis ætatis Ottonis Imperatoris. Vnde A Sueuo regitur rex magnus tertius Otto. Cuius Sueni studio & diligētia quā supra ætatē suam puer ille profecerit. quomodo alpes cum exercitu superauit. quantū Tremouenses multitudinem ciuium & magnitudine opum aduersus Imperium erectos humiliauerit. quomodo ciuitatem eorum contriuerit ut in signum deletionis milium in ea staret. quomodo totam Italiam cursu quindecim annorum sibi subiecerit. quā gloriose in urbe diademate Imperij coronatus fuerit. quomodo quos armis ad se timendum subegerat, clemētia ad se amandū sublenabat, & disposita pacificis legibus trās alpes Romana urbe, quā gloriosus victor ad Rhenum redierit, & digna Imperatore gesserit. Aquensem ecclesiam exornauit. Si huius narrationis historiam melioribus debuam scriptoribus secundum suum ordinem ingredi auderemus, plus esset opere proposito quā hac digressionē infereremus. Temporibus eius siccitas magna vernalis euenit; unde & satio priuina impedita & fames ingens secuta est: fertur enim etiam precibus eius annonā pluuisse de calo in Hasbania. alij etiam pisciculos paruos de calo pluuisse ferebant. Postea nix nimia de calo decidit. Imber etiam continuus qui autumnalem sationem denegaret omnino: Episcopus verō Notgerus indicto communi ieiunio periculum imminens reppulit. Terramotus quoque factus est per magnus, Cometaq³ apparuit splendidissimus, nonodecimo Kal. Ianuarij circa horam nonam. fisso calo quasi facula ardens cum longo tractu instar fulguris illapsa est terris, tanto splendore, ut non solummodo qui in agris erant, sed etiam in tectis irrupto fulmini ferirentur, quæ cæli fissura sensim enascescente, interim visa est figura quasi serpentis capite quidem crescēte cum ceruleis pedibus, quæ pericula oratione viri Dei sunt annihilata. Castrum præterea Valencianas in marchia Francia ac Lotharingie, quod Baldunius Comes Flandresium inuaserat, Imperator Henricus obsedit, concurrentibus ad consiliū eius Roberto Rege Francorum, & Richarto Comite Normannorū: sed quia idem rex de obsidique redierat inefficax, vocato sibi in auxilium prædicto Episcopo

Notgero

Notgero, contra Balduinum proficiscitur; eius auxilio & consilio munitus Ca-
strum Gandavū inuadit, & depopulata terra aliquos Flandrensum primo-
res capit. Vnde Balduinus perterritus Imperatori satisfecit, Valencianas reddi-
dit, datisq; obsidibus cum sacramento fidelitatis ei manus dedit. Et quanta
fuerit illi in educandis pueris scholaribusq; disciplinis instruendis sollicitudo, hinc
maximè probatur, quòd semper dum in via pergeret, longè seu propè scholares
adolescentes secum ducebat, qui uni ex Capellanis suis sub arctissima schola-
rum parerent disciplina, quibus etiam librorum copiam cum ceteris scholari-
bus & vensilibus circumferri faciebat, sicq; fiebat ut quos plerumque rudes
& illiteratos à claustro abduxisset, ipsos quos prius magistros habuerat in lit-
terarum eruditione redeuntes superarent. Cuius eruditionis occasione plurimi
eorum etiam in religionis ac sanctitatis disciplina circa eum in tantum profe-
cerunt, ut idonei fierent rectores ecclesiarum. Ex illis quippe multa ciuitates
gausi sunt se habere pastores, quarum Salburgēsis ecclesia archiepiscopū ha-
buit, Gaugerum; Cameracensis duos, alterum alteri succedentem, Rothardum
& Erluinum. Viridunenſe Monasterium beate, Tullensis ecclesia, Herelo-
nem: Traiectensis ecclesia Adelbadum, licet à multis etiam aliis episcopalem
gradum non affecit, qui sub eo nihilominus coaluissent quamplurimè corre-
ctæ sunt ecclesia, ex quibus Diramus postea Leodiensis Episcopus Banenburgen-
sem ecclesiam religionis & artium liberalium disciplina illustrauit. Otbertus
cum quibusdam aliis secum hinc abductis, Aquensium clericorum vitam per-
niciosè licenti contagio deprauatam, ad sanctæ religionis statum pro posse re-
duxit. Quid de Hulbodo dicamus, qui dum adolescentulus à scholari discipli-
na hinc aufugisset, Parisius veniens Sanctæ Genouesæ Canonicis adhaesit, in
breui multarum scholarū instructor fuit. Vbi cum aliquandiu Domino Not-
gero ignorante moraretur, tandem canonica episcopalis sententiæ executione
compulsus est redire, pluribus ibi relictis studiorum ac moralitatis insignibus.
Cuius vitam bene satis morigeratam ad virtutes acceptans episcopus gratia
ac donis muneratam ad virtutis studium amplius accendit. Idem postea sub
Pontifice Baldrito Pragæ Boemiæ ciuitatem transmissus, cum nonnulla ibi-
dem Christianæ religionis documenta dedisset, ad nos iterum cum honore re-
meauit. Multi quoque alij sub tanto patre educati, religionis studiis liberalibus
diuersa illustrauere loca, quorum vita religiosi moribus & doctrinis insignita
paternæ probitatis evidens est documentum. Nec hoc silendum quòd inter
cetera probitatis opera prudenti admodum vsus consilio, in tres æquas portio-
nes prædia ecclesiastica diuise, quarum vnā sibi suisq; successoribus reti-
nuit, alterā Ecclesiis & monasteriis impartiri, tertiam militibus qui eccle-

siam armis protegerent, concessit. Et ut de sanctis eius moribus aliqua adhuc breviter enarremus, erat pauperibus mitis, superbis duntaxat terribilis, bonis quibusque lenis & mansuetus, iniquis & maliciosis hominibus metuendus, potentibus venerabilis, mediocribus amabilis & admirabilis, sapientibus & doctis eruditor clementissimus, senum & debiliū sustentationis baculus, iuvenum & adolescentum correptor studiosus, providus in consilio, circumspectus in facto, clarus in eloquio, discretus in silentio. quem summi proceres, Romana videlicet urbis Antistes & Imperator, tanto extulerunt honore, ut primus eorum in disceptationibus praesulum cisalpinorum suas ei vices iniunxerit: Imperator vero in disponendis regni negotiis praecipuum procuratorem habuerit. nunquam corpori in se locum dedit, & a suis familiaribus desidiā animi pro posse semper expulsi. Cum clericis divinae paginae questionibus enodandis quoties vacaret intentus, etiam laicos adolescentes quibus educandis instabat, aetati et ordini suo congruis artibus implicabat: His & similibus insistens laboribus pater venerandus triginta sex in episcopatu peregrinavit annos, multosque a nobilitate paterna non degenerantes reliquit filios, inter quos pia memoriae dominus Wazo praeter ceteros emicuit. Igitur deductis Norgerus universis laboribus quibus ad honorem Imperii, & decorem domus ecclesiae Dei bona fide & bono fine diversis in locis & temporibus feliciter laboravit. Unde scriptum est: Quattuor explevit partes extēta plagarū Fama suis meritis. Cōstituto super Renū monasterio sanctimonialius in villa Iulica, sicut privilegia eiusdem ecclesiae in Biblia conscripta testantur, rediit Leodiū iam in processu aetate, & ubi episcopali officio verbo & exemplo clorum & populum ad meliora prouehere sollicitus fuit, unde scriptum est:

Vulgari plebem clorum sermone Latino

Erudit & satiat magna dulcedine verbi,

Lac praebens teneris solidamque valentibus escam,

Sponte cadunt hereses sub forti milite Christi,

Fraus & ficta fides, timor & commenta fugantur,

Et depressa tremunt tanquam sub iudice morum.

Hospitalis adeo fuit ut de eo scribitur.

Nunquam sic colitur totis affectibus hospes;

In laribus putat esse suis qui venerat exul,

Pauperibus victus, nudis non desit amictus.

Ita sermo Dei vivus & efficax et penetrabilior omni gladio ancipiti in eo fuit, ut quisquis decretorū ecclesiae violator extitisset, si post commonitionē contumax et quasi lapidatus cordis duritia fuisset, poena periculationis suae portaret, in quem

in quem episcopali auctoritate maledicta congestisset. Vnde scriptum est:

Nam sumus experti, quicumque fuit violator
Ecclesiæ postquam hunc feriens anathemate vinxit,
Corpore & exclusit sacro vel sanguine Christi,
Iuit in exitium resipiscere ni properasset,
Si rabie caruit, sed non prurigne turpi
Et reliqua scabie quam postea nemo piaret,
Aut fregit collum aut amatos perdidit artus;
Talis erat reprobis tam formidabilis omni
Periuero prædoni; fur nec perfidus ausus
In faciem venisse suam.

Quando à maioribus negotiis ad quietem euadere poterat, ad sanctum¹ To-
annem se conferebat, & in domo adharente interiori claustro quam sibi edi-
ficauerat, dum erat ibi tanquam in familiari sinu operis sui, orationi & pau-
perum alimonie vacabat. Ibi tabellariis & scriptoribus scribenda dictabat,
Epistolam operis eius, sententia valetudine, & ornatu verborum lucidam de
pueritia Sancti Lamberti, & merito Lamboaldi confessoris, & Landerade
virginis oppido Flandriæ Gandis in ecclesia sancti Baonis legi, & visum
est nobis copia dicendi stilum ipsum maiestati persone conuenire, & ideo loca
ipsa in quibus scripta ipsius vel de ipso reperiuntur, & versus aliquos antiqui-
tatis de multitudine acceptos eisdem verbis, & metro quo in antiquis libris
inuenti sunt, annotare curauimus, ne ex favore magis quam ex cognitione lo-
qui videamur, & in assertionem veritatis, si in commendatione bonorum que
ipse fecit stare vellemus, & valeremus, peccare nos non crederemus. Ab ordina-
tione enim sua per annos sexies sex, hoc est triginta sex, in episcopali opere la-
borauit, & tunc cursu consummato fide seruata, septimo annorum sena-
rio, ad sabbatum quietis dispositionem carnis migravit. Vnde scriptum est in
versibus predictæ antiquitatis,

Præfuit ecclesiæ per decem lustra vel annum.

vel ibi pro & posito. Et quia sine dolore non perditur, quod cum amore pos-
sidentur: tota ciuitas, tota patria obsequio funeris affuit; senes cum iunioribus, pu-
silli cum magnis affluerunt de castris & oppidis. Clerus tanquam familia spiri-
tualis ad plangendum suum patrem familiam conuenit; & ut breuiter dicam,
de tota regione catervatim riuum ad flendum super eum qui vixerat, lætitiæ
multorum. Ita non sufficit vespere & mane dies vnus ad sollemnitatem exe-
quiarum; quia quilibet principium ecclesiæ quas ipse in ciuitate fecerat
vel perfecerat, ad vitandum ingrati tudinem humando corpori se debere sin-
gulares

gulares exequias professa est. Prima igitur dies luctuosa celebratis in ecclesia Sancti Lamberti deducta est. Secunda in ecclesia Sancta Crucis. Tertia in ecclesia Sancti Martini. Quarta in ecclesia Sancti Pauli. Quinta in ecclesia Sancti Ioannis, ubi ipse supremo voluntatis sue testamento in signum servata usq. in finē humilitatis, in angulo cripte humilioris in Oratorio Sancti Hilarii sepeliri constituit. quod & factum est. præscripta & plura alia clarius habentur in gestis pontificum Leodiensium. Sed præter ea Notgerus præscriptus multa magnalia & opera bona in istis & aliis partibus operatus est, quæ non sunt scripta in gestis pontificum prædictis. Utinam plures tales episcopi modernis temporibus inuenirentur.

Describebat ex autographo Hieronymus
Scholierius huius itineris comes,

FINIS.

INDEX EORVM QVÆ HOC LIBELLO CON- TINENTVR.

| | | |
|----------|--------------------------|------------|
| A | Duaca Tungrorum. | 24 |
| | Agimont arx. | 13 |
| | Alizuns fluius. | 35 |
| | Ambiaticum. | 35 |
| | Ambleua fluiuius. | 27 |
| | Antlērpiā. | 7 |
| | Apollinis campus. | 61 |
| | Aquæductus antiquus. | 46, 47 |
| | Arduennæ siluæ descrip. | 13, 30 |
| | Arlunium vrbs. | 29, 31, 32 |
| | Arnoldus à VVachtēdonck. | 20 |
| | Augusta Veromand. | 52 |

B.

| | | |
|--|----------------------|----|
| | Bastonia oppidum. | 29 |
| | Belgarum vnde nomen. | 6 |
| | Belgium, vbi. | 6 |
| | Belgicæ partitio. | 4 |
| | Belus Deus. | 6 |
| | Bergcastel oppidum. | 68 |
| | Blanc pais. | 30 |
| | Brunchildis via. | 11 |

C.

| | | |
|--|---|------------|
| | Caprinus mons. | 18 |
| | Caroli Burgundi epitaphia. | 38, 39, 40 |
| | Carolus Langius. | 21 |
| | Castellum. | 24 |
| | Cenel pagus. | 26 |
| | Claudix Valesix funus. | 37 |
| | Condeſ arx. | 41, 43 |
| | Confluentia vrbs. | 68 |
| | Cors, qua significatione acci- piatur. | 69 |

D.

| | | |
|--|-----------------------|----|
| | Dieuleuuart pagus. | 44 |
| | Dilia fluius. | 7 |
| | Dittelsberg mons. | 51 |
| | Diuodurum. | 49 |
| | Dominicus Lampsonius. | 20 |
| | Drabach oppidum. | 68 |

E.

| | | |
|--|-----------------------|----|
| | Entſirch pagus. | 68 |
| | Erenzeitſtein arx. | 69 |
| | D. Eucharij ſacellum. | 43 |

F.

| | | |
|--|-------------------------|----|
| | Fontis Marianæ descrip. | 34 |
|--|-------------------------|----|

G.

| | | |
|--|---|--------|
| | Galliæ nomen, quando pri- mum auditum. | 5 |
| | Gallobrabantia. | 11 |
| | Gemblacum. | 10 |
| | Gemep vicus. | 12, 15 |
| | Graffenmacher vrbecula. | 52 |
| | Guibertus Lotharingus. | 12 |

H.

| | | |
|--|---------------------|----|
| | Helfenſtein arx. | 69 |
| | Herſtallum. | 17 |
| | Hermanſtein arx. | 69 |
| | Hofaizum oppidulum. | 29 |
| | Hoja fluius. | 15 |
| | Huijum | |

Huijsum oppidum:

14

I.

Iacobus Susit.

7

Iecora fluuiolus.

21

Igél pagus.

32

Inscriptiones antiquæ. 34, 35,

50, 52, 60

Ioannes Daubriargētarius. 49

Ioannis Mandeuilij sepulchrū.

16

Ioannes Mofflinius. 32

Ioannis regis Bohemiæ cadā-

uer.

37

Ioānes Scillius geographus. 41

Iouy pagus:

46

Iupilla. 17

K.

Rocheim oppidulum. 68

Runtz pagus. 54

L.

Lambertus Lombardus pi-

stor.

20

Leduac. 28

Leodiēsis vrbs descript. 15, 16,

17, 18, 19, 20, 21

Leui pagus. 58

Leuinus Torrentius. 20

Lorno fluuius. 12

Lotharingia. 5

Louanium. 7, 8

Louëgnie pagus. 26

Luposina vrbs. 9

Lutzenburgi descriptio. 36

M.

Māsfeldij Comitatus des. 33

Marce en Famē oppidulum: 30

Marcheuille pagus. 42

Maria Montmorācia vxor Co-

mitis à Mansfeldt. 33

Marmorū varia genera, vbi.

13

Martelēga pagus. 29

Martis campus. 61

Mechlinia. 7, 8

Merensī vrbs. 48, 49

Meurta fluuius. 41, 42

Moles lapidea antiqua. 52, 53

Mosa fluuius. 14

Musipontus vrbs. 46

N.

Namurcum. 12, 13

Nanceium vrbs. 37, 4, 48

Neomagum vrbs ad Mosel-

lam. 68

D. Nicolai Fanum. 41

D. Nicolai reliquie. 41

Ninnius Drauso. 14

Numismatum antiquæ aliquot

notiæ interpretatæ. 64

O.

Olenia fluuiolus. 38

Ourta torrentis. 29

P.

Paru en Ardenne. 29

Peraiciacum. 29

Petrus Dinæus. 29

Petrus Ernestus Comes Mans-

feldius. 34

Psaltz oppidulum. 69

Pisces Mosellæ fluminis.

54

Prumiense monaster. 11

Rigo

R.

T.

S. Remacii historia. 28
Rigodulum. 65, 66, 67

S.

Sabis fluvius, eiusque inun-
datio. 12, 13
Salmum pagus, & Comitatus.
28

Sarpaigne pagus. 44
Sarra fluvius. 54
Savinieze fons, & mons. 26
Sella fluvius. 48
Sierck oppidulum. 52
Sigebertus auctor. 10
Spa pagus. 26
Stabulo monasterium. 27
Steinesfurt pagus. 32
Sura fluvius. 29, 52

Theodonis villa. 51
Tilemannus Stella. 51
Treniris descriptio. 56, 58, 61,
62, 63, 64
Tungri oppidum. 21, 22, 23,
24, 25
Tungtorum fons. 22, 27


V.


Vesa fluvius. 26, 27
Vini fertilis locus. 68
Vra fluvius. 26, 27
Walheim pagus. 11
Wannen pagus. 28
Wasserbilsch oppidulum.
29, 52

Y.

Yona fluvius. 5

F I N I S.





Schweizer
o. Schweizer
B

2389012BR

